

BIBL. NAZ.
VITT. EMANUELE III

148

D

47

NAZALI

K. 93. 102.




101
5.

17
/.



ERRATA
BENDINELLII
IN P. CORNELII SCIPIO-
NIS AEMYLLIANI VITA.



ΕΥΘΕΣ ΤΙΣ ΔΕΟΙΝΤ.



M V T I N A E,

Apud Paulum Gadaldinum, & Fratres.

M. D. LXX.




EXTRA

BENEDICTI

IN R. CORNELII SCITIO

DE VENTILIANI VITA



EXTRA




DE VENTILIANI

EXTRA

EXTRA

CAMILLVS COCCAPANIVS

ANTONIO BENDINELLIO.



AVCO\$ ab hinc menses cum tu omnia huc studia contuleris, ut Placentini ciues publicam tibi liberorum suorum honestissimis artibus institutorum curam restituerent, quod ita ratio rerum tuarum maxime postularet; ubi primum illos, qui bus antea pulchre notus fueras, hanc tibi Prouinciam libere denegantes eandem mihi uix petenti ultro detulisse intellexisti, ob hanc offensionem, ac repulsam, quam aegre feris, tanto disruptus es

dolore, atq; inuidia, ut quodcumq; posthac labefactare crederes existimationem meam, ira uehementi correptus, atque incitatus, maledicta congerens in me contra quam ius erat, semper effuderis. Itaque tuus in primis filius, abiecta prorsus uerecundia, tuam secutus auctoritatem, eam ad me scripsit epistolam, qua tuum quidem os habere, atq; obtestatione laudis prorsus imitari uisus est. cui tamen epistola nihil ego respondi, satius omnino fore ducens adolescentem, qui propter aetatem peccasset, contemnere; cum praesertim sic assiduus rerum susceptarum distineat occupationibus, ut in eiusmodi nugis mihi sit nefas otium frustra coterere. Tu uero interea ab incepto non destitisti, donec imprudens negotium conficeres, ut scribis. λοιμὸς μετὰ λυμὸν. Quare litteras ad me tuo nomine scriptas V. Id. Aprilis eas misisti, quae nec ista, quam agis aetate, nec ijs, quibus editus es studijs hominum doctorum, ac proborum iudicio digna fuerunt iudicata: erant enim omni maleuolentiae labe suffusa, conuicio, contumeliarq; turpissima usque adeo referta, ut etiam defunctos, qui sensu carent omni, allatarint. Id praeterea artificium adhibuisti; ut xx. dies ante a tuis haec iussu tuo publicatae fuerint, quam mihi ipsi reddidit: quod quidem modestiam, pudoremq; tuum satis omnibus aperte declarauit. Quibus postea litteris (inuius licet, quod aliter fieri non oportuit) diligenter ita respondi, ut et parem tibi laudationem rependerim, et mores tuos quasi in tabella delineare contenderim. Sed quia tuae litterae mihi uidentur illud spectasse precipue (nam eò tuae cogitationes intenduntur omnes) ut ego hoc publice profutendi munere parum dignus habear, si quidem me eundem maxime, rerumq; omnium ignarum nutu, ac significatione appellas, quin

me despiciens, de pro sibi illo ducens Perisegilla d' Pictoris nomine translato go-
 eas; ego constitui te uanum prorsus, ac mendacem omnibus indicare, tibiq; ipse
 luce clarius ostendere, me & non indignè à summis illis uiris, qui me commen-
 darunt, laudatum; & à ciuibus Placentinis meritò acceptum, meritoq; huic of-
 ficio publicè legendi præfectum fuisse. Id autem quò facilius ipsemet existimare
 possis, operæ pretium duxi fore (quod nemo non probabit) si tuis a me scriptis
 accuratè perpensis, & castigatis in scititæ tuæ (quod affirmaram studiosè me sa-
 cturum) designationem quasi penicillo quoddam exprimerem; qua quidem per-
 spicies (nisi mea me fallit opinio) de me quantum ego in hac arte pingendi polli-
 ceri habeam. Et quoniam P. Scipionis uita à te conscripta una te maximè ui-
 deo gloriari, & iure, neq; enim aliud quidquam in uita tua, quam ultra annos
 sexaginta produxisti, potuisti præstare, nisi breues illas regulas, & scausione m
 ad usum puerorū lingua latina erudiendorū editas, quibus nemo unquā præter te
 usus est, habere pro magna re uelimus; Indicium de tua doctrina facturus omit-
 tam reliqua, ut quorum ne ipse quidem meminisse uelles; at Scipionis uitam ut
 rem aliquanto grauiorem excutiam; quam iam ter edidisti, primum Florentiæ
 ante annos uiginti duos, deinde mox aliquot in locis emendatam Mutinæ, postre-
 mo superiore anno propè totam resectam Lucæ; atque ea ita superbus incedis;
 unumq; te suspicis, ut hoc uno ingenij tui mommēto temet ipsi, qui plurima, eaq;
 nobilissima in omni genere doctrinæ ediderunt, ante ponas. Quid autem ego
 ipse de ea iudicem, tredecim tantum primis pagellis eius excussis, in quibus rem-
 asque ad Scipionis consulatū priorè perducis, paucis exponam; reliqua, quæ sunt
 unnumerabilia, si me læsesi ueris, tempore suo patefacturus.

Ego igitur in uniuersum sic sentio, te, cum de Scipione scripsisti, res Scipionis, non
 ut uideris uelle, scripto tuo nobilitasse, sed prorsus infamasse; quod ipsum pri-
 mum testimonio ipsomet tuo ostendam, deinde re ipsa etiam demonstrabo. Iudi-
 cium tuum apparet ex indice libri, qui est eiusmodi. P. Scipionis uita,
 uel disperse potius eius reliquæ ex multis probatissimorum au-
 thorum scriptis collectæ, et in ordinem redactæ per Antonium
 Bendinellium. Cum te reliquias uitæ Scipionis in ordinē redegisse scribas;
 præfecto eas te infamasse significas, id enim apud Latinos significat in ordinem
 redigere, si testi credimus Prisciano libro 18. in ordinē, inquit, redactus est, hoc
 est inter uiles, & abiectos cōnumeratus (ἐν τοῖς ἀποβύτοις ποιεῖν dicū t Græci) Linius
 libri. xxx. Tribuni plebis in ordinem reducti pro contemptissimis habui sunt.
 In eandem autem significationem usurpat sepe Linius etiam in ordinem cogere.
 Quare in ordinem redactæ, si Priscianū audueris, erunt inter uiles & abiectas
 relatæ. Quamquam autem hoc fortasse noluisse, tamen tantam hūm habet uerita-
 tas, ut etiam nolentes sepe τὰ δ' οὐτ' α' loqui compellat. Et certe ita scripsisti, ut

uerē possumus dicere, te Scipionem quamquam uirum clarissimum in ordinem
regeisse. Neq; enim aut genus ipsum scribendæ uitæ recte cōcepisti; aut in parti-
bus eius singulis explicandis ita te gessisti, ut laudem feras. Primum enim in col-
ligendis Scipionis actionibus es lapsus, quod putasti, quasunque actiones, aut
dicta Scipionis etiam l. uissimē esse in historiæ seriem referenda. Res autem ita
habet, ut grauissimum quodque tantum, et cognitione dignissimum ex multis
sit secernendum. Ut enim si uiuentis hominis uitam scriberes, non quid quoque
die ille aut diceret, aut ageret, colligeres; sed quæ ad studia, actiones, et uirtutes
eius insigniores prodendas pertinerent; sic cum uitam ueteris Imperatoris re-
stituas, non si copiam singularum etiam eius actionum nactus sis; ea utaris; sed
adhibito iudicio, quæ illustriora sūt, atque exemplo sint, feligas; atq; in historiā
referas. Quod diligenter fecit summus uir ille, cui te temerē anteponis. Accedit
etiam illud, quod aliud est scribere historiā populi Rōmani, aliud uitam Impera-
toris Rōmani. Qui historiā populi scribit, is populum exhortandum sibi pro-
ponere, atq; omnia domi, forisue ab eo acta, et quibus de causis, et per quos acta
sint, persequi debet. Qui uitā Rōmani Imperatoris scribit, is genus, parentes, stu-
dia, amicos, dicta, factaq; eius illustriora, demum magistratus capios sigillatim
exponet; bella uero per eum populi Rō. nomine gesta multo minore apparatu
narrabit, quā ille ipse, qui historiā populi scribit; si quidem. bella sunt popu-
li, non eius ducis, per quem populus ea gessit. Itaque in causis bellorum perferen-
tandis, et iniurijs tradendis, et in singulis partibus exponendis, nisi ad dignitatē
ipsum ducis pertinuerit, erit parciōr. Quare hac de causā non eadem copia res
à Fabio, Marcello, Elatinio, Paullōque gestas narrauit Plutarchus, atque Li-
uius; contra uerō multā de priuatis eorum studijs attulit Plutarchus, quæ præ-
scripsit Liuius. Quod cum ipse non intelligeres, eadem diligentia bellum Puni-
cum, et Numantinum à Scipione confectum tibi explicādum sumpsisti, quā Ap-
pianus in bello Africano, et Hispamico, quod populus Rōm. gessit, exponendo
fuerat usus. Quod non fecit is, quem tu contemnis. Quæ uerō ipse sint ratione
aut addideris, aut omiseris nunc uidendum est.

ADDITA QVAE SVNT SUPERVACA.
nea: omiffa, quae neceffaria: p. 1001. p. 1002.

Tertius enim tum agebatur annis, ex quo Romani Perseo Macedonum regi. Ab hoc loco per duodecim uersus narras causam belli Perseo regum Macedoniae moti, et quemadmodum post Crassian, Manacium, Philippum sit mandatum Paulo Scipionis patri, et qua de causa quod

non erat necessarium uitam Scipionis scribenti, qui in eo bello tyrocinium miles patris posuit. Nisi uero putes, quotiescunque de stipendijs alicuius gregarij militis agimus, semper causas, euentusque bellorum, in quibus ille uersatus est, esse exponendas, quo nihil esse potest absurdius.

Pag. 12. uer. ij.

Perseus interim fugæ princeps. Ab hoc loco per quinquaginta ferme uersus, superuacanea omnia sunt, quæ persequeris. Continent enim fugam, & captiõnem Persei, & reliquias uictoriæ Macedoniæ; quæ historiã populi Romani, aut certè Paulli Imperatoris narrati conuenirent; at Scipionis militis uitam scribenti nequaquam. Adde, quòd integram Liuij paginam issdem uerbis in tuã historiã ineptè transtulisti; & centonem historiæ, non historiã confecisti.

Pag. 13. uer. 29.

Scipio non multo post in Græciam. Hæc & sequentiã per uersus circiter quadraginta ad uerbum ex Liuij historia sumpta sunt ridicule, quia descriptiõnem Græciæ continent; quam Paullus cum filijs peragruit interea dum legatos Romæ expectauit: quæ & si aliqua ex parte Scipionem attingunt, non tamẽ aut tam diligenter, aut uerbis alienis fuerunt narranda, caret enim res exemplo.

Pag. 16. uer. 1.

Hæc profecto ratio confirmatioq; doctrinarum, & si naturæ ipsius habitu propè diuino per se moderatus; & grauis. Hi quatuor uersus temerè huc ex oratione Ciceronis pro Archia inculcati sunt; & eorum sententia redolet potius philosophiam, quàm historiã.

Pag. 16. uer. 4.

Libros illos quidem à Xenophonte non ad historiæ fidem scriptos. Addendum erat, de uita aut de disciplina. Curri, alioquin obscurum est; qui libri sint.

Pag. 16. uer. 12.

Cuius abstinẽtia, ut ceteras innumerabiles illius, eximiasq; uirtutes. Quæ de abstinẽtia Paulli patris, & ditato Romano erario per aliquot uersus dicuntur, ad Paullum pertinent, non ad Scipionem, nisi forte laudationẽ Scipionis scribas; atq; aliquid ad eum gloriæ ex uirtutẽ paternã defluẽs.

Adde quòd uerba sunt Ciceronis ex libris de officijs, huc sine ratione translata.

Pag. 17. uer. 24.

Idem ferè in dicendi facultate eueniebat. Nam & si plurimum tribuebatur ambobus; dicendi tamen laus erat in Lelio illustrior. Hæc tota pars, quæ iudiciũ continet de Lelij & Scipionis eloquentia sumpta est ad syllabam ex libro Ciceronis de Claris oratoribus, ridicule.

Pag.

Nam præter cetera nihil diffi- aliud esse dicebat, quàm amicitiam usque
ad extremum uirtutem permanere. Quæ finxit Cicero dicta à Scipione
in dialogo de amicitia pro animi sui arbitrio, ut mos est dialogos scribentium;
ea ut uerè dicta, in historiâ cõtulisti. quanta iudicii cum laude ipse uideris; si autè
sermões habiti in dialogis in historias referendi sunt, miror, cur non integros
eius sermões de senectute cum Catone, et de amicitia cum Laelio habitos apud
Ciceronem eadem ratione describeris.

Pag. 19. uer. 12.

Cum Athenienses Romam legatos de maximis suis rebus miserunt,
Carneadem Academicum, Critolaum. Quod inquit Scipionem audiuis-
se legatos misos ab Atheniensibus, id parè ad rem pertinet, neque enim ex ea au-
ditione aliquid elicit, quod priuatim ad Scipionem pertineret; neque hos solos
audiuit Scipio, aut solus. Quare hoc recte omissum, ab eo, quem tu despicis.

Pag. 19. uer. 25.

Cum interim res in Hispania Romanis non satis prosperè proce-
deret. Cum hoc bellum sit in quo Scipio cum publico legationis munere uer-
satus sit, paucis uerbis uidebatur ratio eius aperienda. Nam si hoc fecisti, cum
de procursu eius scripsisti, multo magis facere debuisti nunc, cum de legatio-
ne eius agas.

Pag. 19. uer. 34.

Præter cetera facinora, quæ in eo bello præclara edidit, illud ad
intercatiam maxime memorabile fuit. Si præter intercatensem fa-
cinus alia edidit, cur non ea exponis? si quidem alios reprehendens, scribis.
Non putabam eum, qui uitam et res gestas alterius scriberet,
officio satisfecisse suo, si unum, aut alterum egregium eius faci-
nus persequeretur. putasque hoc dicendi genus eratoris potius artificium
ostendere, quàm historici officium. Neque uides, si hoc est uitium, eo te laborare,
qui cum multa fecas, unum tamen tantum commemoras.

Pag. 20. uer. 10.

Armibus habilibus magis, quàm decoris, media militaris statura.
Hæc ad uerbum dicuntur de Torquato pugnante cum Gallo à Liuiο libro 7. tu
uero quasi idem esset Scipio, ac Torquatus, à Torquato ad Scipionem inceptum
transulisti.

Pag. 20. uer. 21.

M. etiam Alienum Pelignum scuto suo protexit. Hoc narrat Cicero
Tusculana quarta, sed non definit uter Africanus hoc fecerit, aut quo in bello;
quare non fuit temere Aemiliano ascribendum, neque in bello Celtiberico po-
tius

tius quàm in Africo. & propterea omiffum est ab illo nostro, quem omnes præter te, aut tui similes laudant.

Pag. 21. ver. 29.

Quo ubi applicuit, nihil ei potius fuit quàm ut Masinissam conueniret. Scipionem ad Masinissam uiuentem uenisse bis inuenimus. primum in legatione, cum ex Hispania missus est a Lucullo. superiore anno; iterum cum tribunus militum Manilio consuli uenit in Africam. prioris aduentus testis est Appianus & Valerius; posterioris solus Cicero, in sexto de republica, qui, ut somnium Scipionis fingeret, finxit etiam aduentum eius in Africam, quem falsum esse uerba Scipionis et Masinissæ ab illo ficta ostendunt, quæ non cadunt in eos, qui paullo ante se inter se, et uidissent, et allocuti essent; sed conuenirent eis, qui tum primum mutuo colloquio fruerentur. Cicero uero immemor prioris aduentus, finxit ex uerisimili, Scipionem, ubi primum uenit in Africam, priuato officio Masinissam familiæ suæ amicissimum inuisere noluisse, ut occasionem somnij nascisceretur more Platonis. Tu uero omnia hæc, quæ ficta sunt, quasi uera essent, in historiam transulisti: scilicet aduentum Scipionis secundum ad Masinissam sine causâ, lachrymas Masinissæ, sermones utriusque, & somnium; quæ etiam si uerus esset aduentus; tamen quia à poeta, uel cerere imitatore sunt conficta, ab historico fuerunt negligenda: Huic autem malo ut aliqua ex parte medereris, addidisti, uocem. Iterum, quæ non est apud Ciceronem. Num uero tibi hæc uerba conuenire uidentur Masinissæ Scipionem post paucos menses reuidentur.

Ad Masinissam ut uenit Scipio, complexus eum senex collachrymauit, aliquantroque post suspexit in cælum, & grates tibi, inquit, ago summe sol, uobisque reliqui cælitæ, quod antequam ex hac uita migro, conspicio in meo regno iterum P. Cornelium Scipionem, cuius ego nomine ipso recteor, & quæ sequuntur.

Pag. 22. ver. 7.

Hinc Cicero occasionem attripuit, ut Scipionis somnium comminisceretur. Quæ de Scipionis somnio à Cicerone conficta, et libris Ciceronis, in quibus Scipio de rep. disputare inducitur, per multos uersus infarcis; omnia in historia superuacanea sunt, ut ficta, & nihil ad rem pertinentia.

Pag. 22. ver. 23.

Consules acceptis trecentis, quos Carthaginensibus imperarant, obsidibus. In hoc bello Scipio fuit tribunus militum, & propterea eæ huius belli partes narrandæ sunt tantum, in quibus Scipio operam nauauit aliquam; reliqua, quæ consules sine Scipione egerunt, persequi, est eius, qui belli integræ historiam aut eorum consulum uitam scribat. Quod cum ipse non uideris, temere omnes res gestas à Manlio, & Censorino consulibus ex Appiano, atuliste.

Itaq;

Itaq; sequentes non uersus sed paginae multae inanes sunt, & omittenda, ut sunt ab illo nostro omissa, quod rem nullam Scipionis consilio, aut uirtute gestam contineant.

Pag. 23. uer. 10.

Parebat Carthago in circuitu. Descriptio flus Carthaginis, quam hic ex Appiano, et Strabone diligentissimam attulisti, bellum Punicum scribenti, non Scipionis Tribuni militum in eo bello uitam narranti conuenit. & si quid sit, quod ad rem aperiendam ex ea repetendum sit, id opportuno loco, breuiter, ut noster ille fecit, inferi potest. Verum tu, dum Appiani Africam historiam uertis, imprudens in has ineptias incidisti. Non est autem historici officium historicos uertere; sed iudicio adhibito, quae personis, locis, & temporibus conueniant, ab eis mutuari, eaq; tantum memoriae prodere.

Pag. 26. uer. 32.

Distabat Nepheris à Carthagine. Descriptio urbis Nepheris, quam ex Strabone attulisti, necessaria non est: sit argumento, quod Appianus bellum Punicum de industria scribens eam omisit: neq; enim omnium urbium descriptiones necessariae, neq; in omni historia.

Pag. 29. uer. 9.

Hac quidem graminea corona. Quae de coronis, & in primis de graminea scribis ad uerbum sumpta à Gellio l. 5. c. 6. & Plin. lib. 22. cap. 4. quae item de L. Sicinio Dentato, & Augusto iam satis decantata praeter rem affert, multis nominibus absurda hoc loco sunt.

Pag. 33. uer. 31.

Piso tandem ab Hippone Regio, quam per totam aetatem obsederat, Uticam in hiberna turpiter est compulsus. Erat haec urbs inter Uticam, & Carthaginem. Hic digrederis de Hippone Regio urbe Africae; & quidem, ut mihi uidetur, inconsulte. primum enim loqueris de Pisoni consule, qui rem gessit absente Roma Scipione, deinde ea dicis, quae ad bellum hoc non pertinent; ut haec urbs fuisset ornata ab Agathocle Syracusano, ut post D. Augustinum Episcopum habuerit, ut à Vandalis expugnata sit, quae cum post multa secula euenerunt; tum neq; Scipionem, neq; bellum, neq; Romanos ullo modo attingunt.

Pag. 35. uer. 4.

Hoc tempore cum ab eo uetus quidam affectator. Hoc tradit Cicero in Verrina septima. sed uter Africanus hoc dixerit, aut fecerit, non desinit. Itaq; quod uterq; consul in Africam uenerit, ibiq; bellum gesserit, utrum significare uelit, obscurum est.

FALSA CONTRA AVCTORES, AVT VERISIMILIA SINE AVCTORIBUS.

Altero præterea vitio laboras, & eo grauissimo, quòd multa falsa asseris contra scriptorum auctoritatem, multa verisimilia fingis sine eorum auctoritate, ut hæc quæ sequuntur.

Pag. 9. ver. 2.

Plutarchus Aemyliam gentem à Mamercio Numæ regis filio dictam scribit. quem Numæ & Mamercum propter Mamercum Pythagoræ filium, & Aemylum appellauit, ut alluderet ad Pythagoræ in dicendo suauitatem, atq; gratiam, quæ Græce αἰμυλία dicitur. Falsum est, hoc scribere Plutarchum. Nam in Paullo scribitur. Primum Aemyliorum, & qui generi nomen Aemyliorum reliquit, Mamercum fuisse, Pythagoræ filium propter αἰμυλία sermonis, & gratiam Aemylum appellatum, nonnulli eorum dixere, qui regis Numæ disciplinam in Pythagoram contulere, in Numæ uero ita. Non nonnulli dicant, cum Numæ quatuor filii essent unum ab eo Mamercum appellatum propter Pythagoræ filium, ab illo uero gentem Aemyliam appellatam. Primum ergo Plutarchus non inquit, Mamercum esse à Pythagoræ Aemylia Aemylum uocatum, neque Aemyliam gentem à Mamercio Pythagoræ filio genus duxisse constanter tradit, atque cum hanc historiam ex aliena sententia recidet, ipse satis se eam non probare ostendit. Falsa autem ea est certe, cum satis constet, Dionysio, Liuiio, & cæteris auctoribus, Pythagoram uixisse regnante Seruio, id est aliquot post Numam sæculis. Fieri autem potuit, ut gens Aemylia à Mamercio Numæ filio traxerit originem, uerum non causa Pythagoræ, quem uidere non potuit Numæ.

Pag. 10. ver. 15.

Africam ab euerfa priore consulari Carthagine dictus est. Falsum est, Scipionem Africani cognomen inuenisse ab euerfa Carthagine. Nam a deuicta Africa inuenit, quam non minus subegit, quam euerat Carthaginem. Si quidem Africam fecit prouinciam populi Romani, quo nullum certius uictorie potest esse indicium. Neq; urbs deuicta efficebat, ut aliquis cognomen deuictæ regionis ferret. alioquin idem Scipio subacta Numantia se Celubericum appellasset, non Numantinum.

Pag.

Pag. 10. uer. 23.

Cum iam inde à pueritia eximie indolis, ac uirtutis specimen præseferret. Hoc uerisimile est; sed tamen nemo tradidit.

Pag. 10. uer. 33.

Apud quos Scipio cum. Q. Fratre in iis exercebatur, ad quæ natura magis factus, propensusq; uidebatur. Verisimile item, sed caret auctore.

Pag. 10. uer. 30.

Ex longinquis regionibus accersendos curauit, et omnes magna mercede conductos. Verisimile hoc etiam, sed auctoritate confirmari non potest.

Pag. 10. uer. 31.

Q. Aelio Pato Tuberoni. Fieri potest, ut Q. Tubero ex Aelii Patris fuerit. tamen nemo tradidit.

Pag. 11. uer. 2.

In quibus quidem exercitationibus, ac studiis cum maiorem Scipio pueritiæ suæ partem consumpsisset, tantum profecit, ut & omnes, quibus notus erat &c. Hæc non minus ex coniectura à te scripta sunt, quam illa ab illo, quem tu reprobendis. Reliquum omne tempus partim in legitimis stipendiis conficiendis, partim in reatissimis litterarum studiis concelebrandis, quantum perspicipote est coniectura, traduxit. Hoc tantum differt, quod tu hæc quasi ex certo sumpta auctore affirmas, ille coniecturam suam exponit, quod sepe summos scriptores facere animaduertit. Et tamen cum ita sit, audes scribere, historicum res certas afferre debere, non coniecturas suas prodere. Quibus remotis non intelligis integram antiquitatis cognitionem sublatum iri. Cicero quidem cum historiam de claris oratoribus scripsit, quid aliud, quam coniecturas de ueteribus oratoribus suas attulit? Non ergo historico, quod coniecturis nitatur, est obiciendum; sed quod malis, & non rectè conceptis.

Pag. 11. uer. 20.

L. Aemilium patrem iterum consulem ad id bellum finiendum creauerunt, & illi Macedoniam extra ordinem decreuerunt. Hoc repugnat Lio, qui ita scribit libro 44. Consules creati L. Paullus iterum, & C. Licinius Crassus. omnia ut maturius agerentur, belli Macedonici stimularum cura. Itaque designatos consules extemplo sortiri prouincias placuit, ut utriusque Macedonia consuli euenisset, sciretur. Aemilio Macedonia, Licinio Italia euenit. Ex his apparet omnia ordine esse acta; neque non inatum Aemilio Macedoniam esse mā-

datam, sed cum collega sortitum esse. Tu uero Lium non legisti?

Pag. 15. uer. 5.

Quod quidem ut facilius præstare possit, in urbe non luxui, non inertie se corrumperendum dedit. & quæ sequuntur de studio litterarum. Omnia ex uerisimili sumpta sunt, non ex certa historia.

Pag. 15. uer. 7.

Quod adolescentie reliquum fuit, ubi per negotia tum publica, tum priuata licuit. Erat natus tum Scipio annos plus minus octodecim: quomodo autem publica negotia tractare potuit in urbe, si ea ætate adolescentæ res rempublicam non attigerunt?

Pag. 15. uer. 20.

Scipio (post triumphum patris) in stoica disciplina adolescentiam posuit præceptore Metrodoro pictore, & philosopho excellentissimo. Item. Scipio domi tantum opera Metrodori est usus.

Falsum est, Scipionem habuisse præceptorem Metrodorum. Verba Plinij, unde tu sumpsisti, hoc indicant. lib. xxxv. cap. xix. Cum L. Paullus de uictorio Perseo petiisset ab Atheniensibus, ut sibi quamprobatissimum philosophum mitterent ad erudiendos liberos, itemq; pictorem ad triumphum excolendum, Athenienses Metrodorum delegerunt, profecti, eundem in utroq; desiderio præstantissimum, quod edicto quoq; Paullus indicauit. Num tibi uidetur scribere, Scipioni Metrodorum præceptorem a patre datum? minime. Est enim sententia hæc Plinij, Cum Paullus uictorio Perseo Athenas uenisset (ut uenis Graciam peragrans teste Lilio) petiit præceptorem ad liberos erudiendos, qui erant hi liberi non P. Scipio, et Q. Fabius, qui supra annos septemdecim nati erant; sed illi duo pueri ex secunda uxore suscepti, quorum unus paullo ante triumphum, alter post triumphum est mortuus. Tu uero uerba Plinij inseris, quasi ad Scipionem pertinere; aut historiam scribere sit centones quoscunque scriptorum temere cōeinnare. Itaque rectè hoc omisum est ab illo, quem tu glorie summæ causa laudandum sumpsisti. Itaque quod dicis illum scribere, Scipionem patris triumpho non affuisse, falsum narras, sed tu libidine maledicendi occæcatus non ante maduertisti.

Pag. 15. uer. 31.

Poeta quoque haud contemnendus euasit. Versus enim ornatissimos ex tempore fundere, & scribere solebat. Vnde gaudens alij quando præteritis laboribus, ita cum patria locutus est.

Desine Roma tuos hostes.

Nanque tibi monumenta mei peperere labores. Alio loco.

A sole

A sole oriente supra Mæotis paludes.

Nemo est, qui facis me æquiparare queat.

Hæc sumpsisti e secundo de Finibus, ubi Cicero Africanum priores duos uersus cum patria locutum scribit, & libro quinto Tusculanarum, in quo Africanum gloriatum posterioribus duobus uersibus narrat. Verum dum hoc fecisti, plurimus te erroribus, ijsq; foedissimis implicuisti, quos enumerabo, si potero. Primus est, quod uersus a Poeta confictos, & Poeticæ Africano tributos, pro ueris ipsius Africani uersibus attulisti. Sic enim ais. Versus ornatisimos ex

tempore fundere, & scribere solebat. Secundus, quod hoc argumentum esse uoluisti, Africanum poetam non contemnendum fuisse. sic enim etiam sequeretur, ut Menelaus, & Agamemnon, quos sæpius loquentes fecit Homerus, essent poeta non contemnendi. Tertius, quod pro uersibus ad rem non pertinentibus eos, qui pertinebant, omisisti, ut hemistichium, quod est in tertio de oratore. Desine Roma tuos hostes, Testes sunt campi Magni. Quartus, quod si uersus poetarum, in quibus gloriatur Africanus, erant ponendi, illos etiam ponere debuisti.

Si fas cædendo cælestia scandere tuquam est.

Mi soli cæli maxima porta patet.

Qui sunt Ennii Africanum ita loquentem facientis, ut scribit Seneca epistolarum lib. xix. & Lactantius libro primo, cap. xviii. Quintus, quod cum omnes hi uersus Ennii sint, tu eos Africani esse scribis. Sextus, quod cum Cicero ab utro Africano dicti sint, non exprimat, tu eos Aemiliano ascripsisti. Septimus, quod hos uersus ab Aemiliano dici non potuisse non sensisti, quia Ennius, qui cum superiore Africano uixit, & in eius sepulchro stus est, Aemilianum Africani nepotem uidere, atque de eo scribere non potuit. Octauus, quod hos uersus ab Africano maiore dictos esse non animaduertisti in ijs uerbis.

Desine Roma tuos hostes. Nanque tibi monumenta mei peperere labores. Testes sunt campi Magni, quos Africa terra politos. Sic enim explet hunc uersum Nonius. Significat enim locum, in quo Scipio maior in Africa summo prælio cum Asdrubale, et Syphace decertauit. ex quo bellum Punicum secundum confectum est. Quem locum Polybius τὰ περὶ τὴν πύλιν uocat, Linius campos Magnos; quæ res ad Aemilianum nullo modo traduci potest. Ex quibus apparet, quam sit puerila, & puerilis ista tua diligentia, qui quæcunque de Africano legisti, temerè ad Aemilianum transtulisti. Quod non fecit ille, cuius tu iudicium singulare contemnisti.

Pag. 16. uer. 12.

Paullus censor è uita decessit. Falsum est, Paullum in censura mortuum, nam præterquam quod hoc nemo tradidit, neq; etiam accidisse apparet ex eo quod

lustrum fecit, quod in fine censuræ fieri solet, & si in censura mortuus esset, collega eius abdicasset. atque utrumque in Fastis Capitolinis eo anno integris notatum esset. Mortuum etiam in censura non fuisse, Plutarchi uerba te docebunt, si diligenter attenderis, aut intellexeris:

pag. 16. uer. 34.

P. Rutilium consulem. **Rupiliu** scribendum. è fastis Capitolinis.

pag. 20. uer. 7.

Prius sciscitatus consulis uoluntatem. Hoc sumpsisti ab Historia Torquati, qui pugnauit cum Gallo. est autem uerissimile, sciscitatum esse, non tamen Appianus, qui est maximus huius pugne auctor, quem tu ad uerbum uertendum sumpsisti, aut quisquam alius id prodidit.

pag. 20. uer. 21.

Rediit ad Lucullum, a quo tandem pacatis omnibus Celtiberiæ populis. Falsum est, Lucullum pacasse omnes Celtiberiæ populos. reliquit enim bellum in Celtiberia successoribus suis gerendum. & maximè Numantinum. nō & Numantia erat in Celtiberia.

pag. 21. uer. 23.

L. Quinctio Flaminio. **Flaminino** scribendum ex Fastis Capitolinis.

pag. 21. uer. 29.

In Africam cum Manilio, & Censorino, Coss. traiecit. Traiecit cum Manilio tantum, cui erat tribunus militum ad quartam legionem, non cum Censorino, cui Classis mandata erat, ut scribit Appianus.

pag. 31. uer. 16.

Gulussæ natu maximo, **Micipsæ** fuit scribendum. nota historia.

MALE APVD SCRIPTORES INTELLECTA; & prauè de Græcis uersa.

Tertium crimen ea conelnet, quæ tu aut apud scriptores non intellexisti, aut malè uertisti. Sumam ergo Plutarchum, & Appianum in primis, unde tu hanc historiam mutuatus es, & ostendam te sæpe cum uerbum uerbo reddere uoluisti, eos non intellexisse, aut latius uagatum fidem, quam polliceris, non præstitisse.

pag. 10. uer. 25.

Ab ipso patre Romanis disciplinis, quibus non mediocriter erat instructus, erudiri cæpit. qui postquam ea filium, quæ illi tradere ipse potuit, de arripuisse cognouit, Græcis ut etiam artibus institueretur, studiose curauit. Plutarchus in Paulo, unde hæc sumpsisti ad uera

ad uerbum ita scribit: Reliquum tempus quieuit, exercens filios pæ-
 tria quidem disciplina, perinde, ut ipse exercitatus fuerat, Græ-
 ca uero ambitiosius, nam grammaticos, & sophistas acciuit.
 Attende autem, quod non inquit, Paullum docuisse filios, Sed exercuisse, quod
 est magistris adhibitis erudiendos curasse. Nam quemadmodum exercuit filius
 Græca disciplina, sic patria, at Græca exerceuit adhibitis grammaticis exter-
 nis, quod erat ambitiosius, ergo & patria, patrius magister, ut erat moris.
 Id ita esse apparet ex eo, quod sequitur. Paullus filiis, dum exercere in-
 tur, affuit, nisi quid publici negotii impedimento fuit. Neque
 uero, qui quoad per publicas occupationes licet, adest, dum filii exercentur, in-
 erudit filios, sed curas erudiendos, & αὐτὸν εἶναι exercere, non erudire.

pag. 11. uer. 32.

Eumque quod esset gloriæ cupidus, & laudis audius mortuum
 suspicaretur. An uero satis caussæ est, ut aliquis aliquem mortuum sus-
 picetur, quod ille sit gloriæ cupidus? An uero Plutarchus ita loquitur, unde
 hæc sumpsisti ad uerbum. εὐμοῖδι δὲ Ἀνδριανὸς τὸν ὄντα τὴν ἄλγαν,
 ἐπὶ ἀντιπαίδας τὴν ἡλινίαν πατὴρ πατρὶ ἀπολωλὲν ἔχοντα ἐξ αὐτοῦ πᾶ-
 ἀπειρίας ἀναμετρεῖν ταῖς τοῖς πολιτέοις μαχομένοις. idest animosus autem,
 & honoris audius, præterea ætate puer cum esset, omnino perisse putauit,
 propter imperitiam cum hostibus pugnantibus congressum. εὐμοῖδιν malè
 uertisti gloriæ cupidum, & ætatem, atque imperitiam Scipionis omisisti, quæ
 suspicionem patri iustam attulerunt, ne in prælio cecidisset.

pag. 11. uer. 29.

Vnde factum est, ut consul unus in maximo luctu, lamentisq; uer-
 sabatur. Falsum est, atque indecorum, Paullum ob suspicionem filij mortui
 tenuem luxisse, atque lamentatum esse. Non ita Liuius. Consulem,
 ne sincero gaudio frueretur, cura de minore filio stimulabat.
 neque Plutarchus: Imperatorem magnus dolor habebat. Dolorem
 autem uocat πένθος. Tu uero lugentem, ac lamentantem more femine con-
 sulem fecisti, atque nostro illi, quod idem nō feceris, crimini obiecisti, quā pri-
 denter, ipse uidetur.

pag. 12. uer. 2.

Partim in prætorium ad ipsum ducem consolandum. Plutarchus
 σκηνὴν uocat, non σκηνήτορ, idest tabernaculum, non prætorium. Non
 est autem idem prætorium ducis, ac tabernaculum, quia tabernaculum est in præ-
 torio. Liuius de eadem re loquens. Consul Lictores misit, qui summo
 mendo, iter ad prætorium facerent, & regem introductum in
 tabernaculum consistere iussit.

Pag. 20. uer. 3.

Sed cum neminem aduersus se perducere uideret. Appianus in *Iberico*, unde sumpsisti hæc, scribit, *ὁὐδὲν ὁδὸν ὑπακκοῦντος*, idest nemine autem morem gerente. idest, nemine prodeunre ad pugnam. Tu uero, cum neminē aduersus se perducere uideret. quasi qui ultro ad pugnam prodiret, perduceretur a commilitonibus.

Pag. 20. uer. 5.

Etiā ab risu linguam exerens. Appianus *ἐπιτοῖσας*, idest subfannās. cum autem multis modis subfannare potuerit, tu speciem pro genere attulisti, et quia Gallum olim apud Liuium linguam exersasse inuenisti, idem etiam fecisse Hispanum post multa secula existimasti; atque hanc uertendi fidem esse duxisti.

Pag. 20. uer. 6.

Mouit tandem ferocem Scipionis animum seu racita ira, seu detestandi certaminis pudor. Appianus contentus fuit una uoce *ὑπερηγῆσεν*, tu oratorie multas attulisti, scilicet, quia in simili re bonos scriptores ita locutos esse animaduertisti.

Pag. 20. uer. 10.

Armis habilibus magis, quā decoris, media militaris statura. Nihil horum de Scipione Appianus, immo Appianus Scipionem paruum appellat. militaris autem statura non est parua. Hæc quia de Torquato dixit Liuius, ad Scipionem inconsulto transtulisti. quasi nihil interesset ad rei ueritatem. non enim hystoriæ fidem, sed hystoriæ centonem tibi proposuisti.

Pag. 20. uer. 35.

Sæpe enim dicere consuevit, se quidem in uariis præliis uersatum esse, sed nunquam maiorem percepisse uoluptatem, quā cum decem supra centum millia hominum prælio decertantium ipse omni periculo, curaque uacuus spectauit. Hic tu sententiam Appiani neq; intellexisti, neque expressisti. sic ille *ἐλγεῖ τι πολλῶν ὕστερον ἁγῶσι σπενιχθεὶς ποικίλεις*, ὅποτε ὦδε ἡσβᾶναι idest, Dixitque sæpe postea, cum uariis ludis interesset, se nunquam æque delectatum esse. Est autem sententia. Scipio uoluptatem magnam cepit ex conflictu Asdrubalis, et Massinisse. nam sæpe postea dixit, cum pugnis ludorum uariis uoluptatis causa interesset, se nunquam maiorem uoluptatem ex pugnis cepisse, quā cum Asdrubalis, et Massinisse exercitus inter se congressos spectauit ab omni periculo tutus. *Ἀγῶνις ποικίλοι* non sunt bellica prælia, et pugnae; sed ludi omnium generum, qui edebantur a Romanis, idest pugnae equestres, pedestres, athletæ, pugiles, gladiatores, et alia eiusmodi. Sic locutus est idem

idem Appianus in fine eiusdem libri, ubi propter uictoriam scribit factos esse
 ἀγῶνας, καὶ θήξαι ποικίλους, idest ludos et spectacula omnium generum edita, en
 qui ceteros Græcarum litterarum imperitos uocare audeat.

Pag. 21. uer. 6.

Victori Masinissæ gratulabundus occurrit. Appianus. καὶ αὐτῷ ὁ πο-
 σκεφόντι ἀπὸ τοῦ ἔργου ὁ σκεπὶων ὠρῆθη. idest. Et ipsi à pugna redeunti
 scipio occurrit. Tu gratulabundū attulisti de tuo, quasi uero gratulatione
 remota non idēquoque facturus sit.

Pag. 21. uer. 10.

Carthaginenses cognito Scipionis aduentu ad eum oratum mise-
 runt, ut pacem inter se, & Masinissam conciliaret, resque com-
 poneret. Qui libenter suscepto negotio, ut in unum locum con-
 uenirent, ibique congregarentur, studiose curauit. Hæc tu multis
 uerbis, at Appianus paucis, hoc modo. Quod ubi cognouerunt Carthaginenses,
 rogarunt scipionem, ut Masinissam sibi conciliaret, ille uero eos in unum coe-
 git. Qua de re nihil dicerem, nisi te profiteri religiosam Appiani conuersionē
 uiderem.

Pag. 21. uer. 20.

Scipio acceptis à Masinissâ elephantis, et nonnullis cohortibus
 ad Lucillum rediit. Valerius l. 5. c. 2. à quo sumpsisti, non inquit nonnul-
 las cohortes, sed bonam magnamq; partem exercitus.

Pag. 23. uer. 23.

Byrsa tumulus erat satis editus.. Ἀκρόπολιν, idest arcem uertisti tu-
 mulum, cum tumulus sit. λόφος

Pag. 23. uer. 25.

Byrsa triplici muro et ipsa circummunicabatur triginta cubitos al-
 to præter propugnacula, et turres, quæ intervallo quingentorū
 pedum inter se distabant, quæq; tabulatorum quatuor nixæ fun-
 damentis triginta pedum. Nihil horum intellexisti, sic Appianus. Ἐν-
 θα καὶ ἡ βύρσα ἦν ἐπὶ τῇ ἀρχαίῳ τριπλῶς τείχεα τῶν δεικνύοντων ἦν
 ὕψος πενήκοντα χεῖρες ἐκαστῶν τε, καὶ πύργων, οἳ δὲ ἀπὸ τῶν
 διακνημάτων αὐτοῖς τε τῶν ὀφειλόμενων τοῦ βύρσας δὲ ποδῶν τριάντων
 τα, idest. Vbi etiam erat Byrsa in iugo tribus muris munita.
 quorum singuli erant altitudine cubitorum triginta, præ-
 ter pinnas, & turres, quæ duorum plethrorum interval-
 lo, quaternis tabulatis prædictæ crassitudine pedum trigin-
 ta in illis circundispositæ erant. Primum non significas unumquemque
 trium murorum altum fuisse triginta pedes. deinde turres fuisse circum singu-

los muros dispositas. nam quod ille inquit αὐτοῖς πικρὸν ἐστὶ οὐ τὸ uertissi dista-
bat inter se. quod Βαῖος ait, id est crassitudine, uertissi fundamentis. en cor-
pheus Græce scientium.

Pag. 23. Mer. 29.

Altitudo uero cuiusque muri primum æquabat tabulatum. Rogo te, expone quæso quid sit hoc, non enim credo quenquam esse, qui intelligat Byrsa erat triplici muro munita triginta cubitos alto, præter turres, quæ tabulatorum quatuor nixæ fundamentis triginta pedum quingentorum pedum inter se intervallo distabant, altitudo uero cuiusque muri primum æquabat tabulatum. Quid enim? tres erant muri triginta pedes alti, in singulis erant turres quatuor tabulatorum, altitudo uero cuiusque muri primum æquabat tabulatum. Quid est tæ ineptum, quàm ut si turres sine in muris, altitudo murorum perueniat ad primum tabulatum turrium? Non intellexisti igitur locum, neque expresisti, qui Græcè sic habet. διόδοτος δὲ τῶν τετραστέτων τῶν τοῦ λόου. id est, ut singule turres muris superpositæ erant quatuor tabulatorum, sic singulorum murorum altitudo erat duorum tabulatorum, quorum in parte inferiore stabulabatur elephantis, in superiore equis. non intellexisti autem quid sit διόδοτος. ut autem dixit πύργους τετραστέτους, sic τετράστος διόδοτος id est turres quaternorum, et murum buiurum tabulatorum.

Page 23. Mer. 30.

Et in parte inferiore fornicata, atque firma trecenti stabulabantur
elephanti. Græcè στε καὶ ἐν αὐτῷ κοιλῶν ὁ ἔτι καὶ σεργάω καὶ τὸ μὲν ἐστὶ
μενὸν ἐλὲ φαντες τερενοῖσιν· id est Et in ipsis muris, qui caui erant, &
operti infra stabulabantur elephanti trecenti. Infra uero significat
in inferiore tabulato; Fornicatus autem murus, & caui non sunt idem. possunt
enim esse fornicati, sed non caui. cum autem caui ait, loca stabulorum significat.

Pag. 23. ucr. 34.

Cum suis pabuli, & hordei penuariis *νιλὰ, καὶ ποῖδης idest tritici, &*
hordei. *pag. 74. ner. 12*

pag. 74. ncr. 12

Præfectus classis domicilium Græcè σκηνή idest tabernaculum

Pag. 24. ver. 15.

Insula erat vehementer elata, ut ab iis, qui naui accederent, etiam acriter intuentibus partes intimæ portuum non conspiceretur. Non inquit portuum Appianus, sed τὰ ἐνδοῦ id est partium interiorum. Cum autem scripsisti portuum, significas te non intelligere descriptionem urbis, quam sine causa inculcasti. Porcus inquit) erant duo, quorum ex uno in alterum ibatur; in medio secundi erat insula elata, ut impediret prospectum interiorum.

teriorum, idest rerum, quæ intra secundum portum agerentur. non enim proflie
sili impediebat primi portus, sed secundi. Ergo portuum non fuit scribendū.

Pag. 24. uer. 27.

Alii post hos lapidibus, & lignis muniti Græcè, cum lapidibus, & lignis.
Interest autem utro modo dicas. nam qui stat cum lignis, offendendi causa stat;
qui munitus est lignis, ne offendatur, cauet. illi uero etiam offendere uolebant.

Pag. 25. uer. 12.

Tanta ui in hostes irrupit, ut omissa incepto intra mœnia se se fu
ga recipere cogerentur. Appianus περιθραμῶν τὰς ναρχιδονίας
κατιφοβήσεν. οἱ δὲ ἀνέχοντες εἰς τὴν πόλιν idest circumue
sus Carthaginenses perterriti. illi uero recesserunt in urbem.
Num tibi omnia expresse uideris, qui diligentiam non necessariam ab alijs ex
quiris?

Pag. 25. uer. 14.

Iterum saluti ea nocte una omnium uoce ferebatur. Appianus καὶ
δ' αὐτὸν ὁ σκοπῶν εἰδὼς καὶ τῷ δὲ τῷ ἔργῳ περισώσκει ῥωμαῖες ἐν τῇ
τῇ θορυβήσαντες idest. Iterū Scipio existimatus est hoc facinore ser
uasse Romanos per noctem tumultuantes. εἰδὼς non est fereba
tur, sed existimabatur. & ἐν νυκτὶ est per noctem, non ea nocte, & coniun
gitur cum uoce θορυβήσαντες, quam omisisti, non cum uoce περισώσκει

Pag. 25. uer. 15.

Phamæas Himilconis filius. Appianus inquit. ἱμίλκωνος, ὁ φαρμάσιος
ἐπ' αὐτὸν ἦ idest, Himilcone, cui cognomen erat Phamæas. tu Phamæas Hi
milconis filius. num ad fidem uertisti?

Pag. 26. uer. 1.

Vnde factum est, ut cum eo Phamæas congredi non auderet, quod
in primis metueret eum, & reuereretur. Appianus ὅθεν ὁ φαρμάσιος
ἐν ἐπεχείρῃ μόνον. idest, Vnde Phamæas eū solum non aggredieba
tur. num religiose satis uertisti? cum nocem solum omiseris, & multas de
eius addideris?

Pag. 26. uer. 11.

Deinde tamen in itinere ex insidiis aggrediebatur. ἐπιτίθετο
ἀπὸ τῶν idest abeuntes aggrediebatur. Tu de tuo addidisti ex insidiis.

Pag. 26. uer. 20.

Manilius, ut qui eius rei causam ignoraret, copias nō temere edu
cendas ratus, intra uallum sese continebat. Copias non temere edu
cendas ratus; addidisti de tuo, quod non est apud Appianum.

Pag. 26. uer. 21.

At Scipio duas equitum turmas haud mediocri occupatas metu cum facibus incensis educit. *Græcè* sic. ὁ δὲ σὺν πύλιν πύλων ἰλὰς δὲ σὺ λαβὰν ἔκιν' γε. Interpres uocē δὲ σὺ mendosā esse uidēs δὲ σὺ correxit & ita uertit: Assumptis duabus aliis equitum excurrit cum accensis facibus. Tu uocem δὲ σὺ & uocem δὲ σὺ retinuisti, & duas equitum turmas haud mediocri occupatas metu scripsisti. neq; uitium in quo esset, sensisti. Quid enim ibi δὲ σὺ significat? & scdam sententiam intulisti, ut scripseris, Romanorum equitum turmas ingenti occupatas metu. cur autem illæ timuerint, non apparet.

Pag. 26. uer. 25.

Hostibusque irruentibus terrorem sine intermissione incutiant. καὶ τοῦ ἐν ἑμπεδοκλέων παρὶ χεῖρας ἄν An tibi uidetur. ἐμπεδοκλέων esse irruentibus, an irruturorum? & pertinere ad hostes, an ad Romanos? præcipit enim Scipio suis, ut cum facibus concursent, & terrorem inuicant, quasi iam iam inuasuri. non autem terrorem incutiant inuasentibus. Ecce qui linguā Græcam docet, qui Futurum pro Præsenti sumit.

pag. 27. uer. 2.

Per rupes, conualles, & pleraque edita, & prærupta loca. *Græcè* ἀπὸ ὄρων, α, φέγγων, καὶ τὰ ὑψηλὰ idest prærupta, ualles, & edita loca. tu rupes, & prærupta loca, quæ sunt idem, pro diuersis posuisti; & alterum de tuo addidisti.

pag. 27. uer. 4.

Et iam ab Asdrubale trecentos septuagintaquinque passus aberāt, & flumen quoddam erat transeundum, & inde ascensu difficili ad hostes veniendum, cum de reditu agere, & consuli suadere cepit, ut ab eiusmodi desisteret incepto, quasi opportuniore tempore, aliaque ratione, & apparatu id esset agendum. Peruertisti hæc omnia, non conuertisti, aut deteriora addendo, ac mutando fecisti. sic enim *Græcè* ad uerbum. Ut autem stadiis tribus absuerunt ab Asdrubale, & ad flumen quoddam digressos oportebat subire aduersus Asdrubalem, tum demum institit, & consuluit, ut rediretur, quasi alio tempore, & alia ratione in Asdrubalem opus esset.

pag. 27. uer. 15.

Ut saltem exercitus ad ripam fluminis sisteretur, vallumque excitaretur, ut si forte premerentur, & hostium vim ferre nequērēt, aliquem tutum haberent receptum, cum fugæ alius nullus sibi relinqueretur locus. *Græcè* sic insit castra ante flumen excitare, ut si premerentur, haberent receptum cum tum nihil esset, quod confugerent.

pag.

Pag. 27. uer. 24.

His obuius sit Asdrubal, inita extemplo pugna, magnaue cedes
vtrinq; facta. *Græcè ita* Ipsi transgresso occurrit Asdrubal, cædes
magna vtrinq; facta *prætermisisti* transgresso, addidisti inita ex-
templo pugna.

Pag. 27. uer. 34.

Qui in fuga potius, quam in uirtute spem salutis collocauerant.
ἔδ' ἀμνημονίων, ἀλλὰ φευγόντων. idest non tuentibus se, sed fugienti-
bus.

Pag. 28. uer. 25.

Mortem æquo animo oppetiturū. *χαρίζων ἑαυτοῖς συναπολεῖσθαι idest*
cum eis æquo animo moriturum. Quod est significantius, aut, gaudens
cum eis mori.

Pag. 28. uer. 28.

Collem quendam contra eum tumulū occupauit. Qua re cogni-
ta Libyci acrius obsessos premere. Hic *omissum*, quod ad rem perti-
net. *καὶ μὴ ἂν τὰς δύο χεῖρας διείργεν. idest* & una ambos uallis diri-
mebat.

Pag. 28. uer. 30.

Qua re cognita Libyci acrius obsessos premere, & uehementius
oppugnare, simulque iis significare, Scipionem de uia continen-
ti festum auxilio uenire non posse *οἱ δὲ λίβυες τὸτ' ἄριστον ἐπέ-
κριντο τοῖς πολιορκημένοις, καὶ πρὸς αὐτὰς ἐνέτυχον, ὥς ἔπειθ' ἀνα-
μίνετ' ὁ σκιπίων, ἐπειγὼν ἐξ ὁδοιπορίας συντόναι idest* Libyes au-
tem tum maxime institerunt obsessis, & inter se significa-
runt, quasi ne tum quidem ex assiduo labore Scipio opem
ferre posset. Ridicule illud, quod ais, significasse obsessis, cum inter se id
significarint.

Pag. 28. uer. 34.

Nulla interposita mora. *τὸν καιρὸν ἔμεθεν idest* occasionem non
prætermisit quod longe diuersum est a tuo.

Pag. 28. uer. 35.

Scipio postquam radices utriusque tumuli, vallemque interiacen-
tem satis contemplatus est, nulla interposita mora per eam fer-
tur supra hostes. *ὁ δὲ σκιπίων ὥς εἶδε τὰς πύλας τῶν δύο λόφων τὴν
χεῖρα δὴν περιέσας, τὸν καιρὸν ἔμεθεν, ἀλλὰ περιέδραμε δι' αὐτῶν
τῶν ὑπὲρ τῶν πολιορκημάτων. idest* Scipio ubi uidi t radices duorum
collium uallem cingentes, occasionem non dimisit, sed per eos
circumuectus est supra hostes. Non uidisti Scipionem non per uallem, sed
per tumulos subisse ad hostes, ἔρ' δι' αὐτῶν ad λόφους pertinere, non ad
χεῖρας δὴν.

pag. 29. uer. 3.

Reuersus in castra ingenti plausu, ac lætitia exceptus fuit. καὶ αὐτὸν
 ὁ στρατὸς μακρόθεν ἰδὼς καὶ ἑξ ἁλπυς περισσώσμενον μὴ γὰρ ἀλλὰ λαφάν
 ὁδομῖνοι idest Et ipsum longe conspectum milites ex insperato se
 uatum magnis clamoribus exceperunt, multa reliquisti ad fidem
 interpretis pertinentia.

pag. 30. uer. 7.

Manilium ipsum, prætorium, reliquos tribunos. τὸ συνὶ δριον uertit
 si prætorium, ignorans prætorium, locum esse prætoris in castris ὅτι
 τῷ γιόν dici. συνὶ δριον autem uocari consilium imperatoris, idest qui ei adfunt
 in consilio. de quibus erudite Sigonius in libris de prouincijs.

pag. 31. uer. 26.

Etegregia eius opera in primis usus est ad repellendas insidias
 Phamææ ὁ δὲ τὰς φαρμακὰς μάχισα ἐνὶ δριος ἐργώμενος idest ille uero
 Phamææ insidias in primis perscrutans. Tu ἐργώσθαι quod est
 scrutari, uertisti comprimere ὅτι sensum peruertisti.

pag. 31. uer. 36.

Ratus illum loqui uelle ἐλπίζας αὐτὸν ἐπικύπτει εἰλαν idest sperans
 ipsum dicurum aliquid.

pag. 32. uer. 10.

Dignissimus omnium tu quidem es, cui omnium consensu fides
 adhibeatur. ἐπικύπτει μὲν ὡς ἀξιόπιστος τὰτος ἐν πάντων idest tu qui
 de laudem fers maximæ inter omnes fidei Num tibi uidetur omnino
 idem?

Pag. 32. uer. 13.

Reuerso iterum Manilio ad Nopherim. αὐτίς ἐς Νεφὲρην ἔσπευ' ἔειπεν
 idest rursus ad Nopherim duxit exercitum quid est autem Reuerso
 iterum? non ne satis Reuerso?

pag. 32. uer. 23.

Manilius cum Scipionem bene sperare uideret, eo inclinauit ip-
 sius sententia, ut iret ad eum locum, & de salute Phamæam bo-
 no esse animo, atque confidere suo nomine iuberet. Græcè sic.
 Manilius cum Scipionem bene sperare uideret, misit, promit-
 tens, ut de salute certam fidem Phamææ daret tibi ne uideris nihil
 ad lidyse de tuos

Pag. 32. uer. 35.

Postera die habita concione ad suos, qua eos ad defectionem ad
 Romanos horratu est, cum duobus millibus, ac ducentis equi-
 bus ad Scipionem transiit. Cur non omnia reddidisti, quæ sunt apud Ap-
 pianum

præparat hoc modo. Postera die exercitū ad prælium instruxit, & cū alarum præfectis progressus in medium, quasi ad rem aliam consultandam, dixit, si licet patriæ opem ferre, uobiscum paratus sum, si verò res eius enim statum tenet, quem tenet, mihi propriæ salutis consulendum uidetur. Et fideni accepi pro me, & pro omnibus, quos in meam sententiam traxero. tempus autem est, & uos, quæ utilia futura sunt, deligere. Hæc dixit, præfecti autem duo cum suis equitibus transfugerunt, & fuerunt omnes ad ducentos & duo millia equitum. *scilicet hæc est fides boni interpretis, bonique historici, quam tu ab aliis requiris*

pag. 33. uer. 2.

Exercitus obuiam profectus Scipionem cum Phamæa redeuntem bonis ominibus, lætisque clamoribus prosecutus est. *ἐπαινόντι δὲ τῷ σκιπίωνι μετὰ τῶν Φαμαίης ὁ στρατός ἀπηνύτα, καὶ τὸν σκιπίωνα ἐν φήμῃ, ὡς ἐπιδράμβω. idest redeūti uero Scipioni cum Phamæa exercitus obuiam prædiit, & scipionem celebrarunt, ut in triumpho.*

pag. 33. uer. 9.

Magnam frumenti uī min castra sub nocte attulit. *Græcè καὶ πῶς ἄνεξ ἑαυτῷ λαβόντι, καὶ ἀπορῶν ἡκεφῶν τῷ στρατῷ νυκτὶ. idest & multam inde prædam, & commentum ad exercitum asferens uenit tu satis habuisti dicere frumentum quasi præda nihil aliud sit, quàm frumentum.*

pag. 33. uer. 13.

Id quod Romani ad suos scripsere. Dimisti uocem plerique *Græcè οἱ πολλοί.*

pag. 34. uer. 6.

Nullum finem expectabant futurum, sed etiam, quod quotidie referebantur maiores Carthaginensium apparatus, & per eosdem multos ex finitimis populis mercede, & pollicitationibus sollicitari, non pecuniā, non arma iis de esse. Hoc neque recte uertisti, neque intellexisti, & multis additis obscurasti. *Græcè ἡ δὲ τινὰ διαλῶσιν προσέδοκω ὁπίσθεν ἀπὸ τῶν ἐπὶ καὶ ὑποσπῶντις idest Neque enim Romani sperabant pacem, cum priores incredibilia imperassent Carthaginensibus. Intellegit autem, cum Mamlus, & Censorinus urbe eos excedere iusserant; quare exacerbatos ad pacis condiciones uenturos sperare Romani non poterant. Num hanc sententiam tua illa paraphrasi expressisti, in qua de apparatu nouo Carthaginensium scripsisti?*

pag. 34. uer. 22.

At ciues rogare. Non quicumque ciues rogabant, sed populus, qui cum Consuli

bus ac patribus contendebat. Græcè ο δὴ μος.

Pag. 34. uer. 24.

Populum comitiorum esse principem, & legum, quæ in iis ferrentur, ut & eas confirmare, & abrogare ad arbitrium suum possit.

Τὸν μὲν δὴ μὸν εἶναι κύριον τῶν ἀρχαῖσι τῶν, καὶ τὸν περὶ αὐτῶν νόμον ἀκυρῆν, ἢ κυρῆν, ὅν' θέλουσιν. idest populū ī potestate habere comitia, et legem de comitiis habendis infirmare, aut confirmare posse, quam uellet. Significat autem legem de comitiis magistratuum creandorum causa latam; non autem quasunque leges, quæ ferrentur in comitiis.

Pag. 34. uer. 27.

Comitiorum, atque creandorum magistratuum facultatem patribus auferendā τὰς νῦν πατρὸς ἀφαιρέσεισθαι τὴν χροτορίαν idest se erupturum consulibus electionem magistratuum, siue potestatem comitiorum, nisi cum populo consentirent. Minatur ergo Tribunus plebis ille, se legem promulgaturum de eripiendo iure comitiorum consulibus, non autem censet auferendam esse.

Pag. 34. uer. 34.

Africam iubente collega ut inter se sortirentur, unus e Tribunis eum docuit, præficiendi quoque provincie, populi iudicium esse, populum Scipionem delegisse. Non potuisti longius ab ipsa sententia scriptoris recedere. Sic ille καὶ αὐτὸν ὁ οὐναρχος Γεώργιος πρὶ λιβύης πρὸς αὐτὸν ἔκλεψε διακλήσεισθαι μεχι τῆς τῶν δὲ μάρχων ἐπὶ τῆς αὐτοῦ τῆς τε στρατηγίας τὴν κρίσιν τῆς δημοκρατίας, καὶ ὁ δὴ μος εἰλητο κικλίωκε. idest Et collega eius Drusus Africam secum sortiri iussit, donec quidem Tribunus plebis legem tulit, ut et huius imperii iudicium populi esset. Et populus delegit Scipionem, Sententia est. Cum Drusus uellet Scipionem secum sortiri, lex a Tribuno lata est, ut Africa provincia nominatim a populo mandaretur, & comitiis habitis Scipioni mandata est. Tu uero uertis ὁ σκηψάτο docuit, quod est, legem tulit. & Tribunum plebis dixisse Scipionem a populo electum quod non dixit, quia fuerat electus consul, non autem in Africam imperator. Sunt autem illa uerba Histo-
rii vici, non Tribuni plebis.

Pag. 34. uer. 35.

Supplementum exercitus Scipionis ex delectu concessam est. sic Appianus Græcè. Datus est autem exercitus ex delectu, quātus erat, loco mortuorum. Omissi tu Quantus erat loco mortuorum. Atque hæc quidem usque ad consularum, & imperium Scipionis, ex plurimis pauca notare libuit, in quibus tu aut Græca non intellexisti, aut ad fidem non uertisti.

vertisti. Ex quibus conijcere potes, quàm multa in reliquo corpore commiseris, & quàm sœda, quæ si lacessiueris, suo quidque tempore indicabuntur.

IMPROPRIE, INCVLTE, ET INEMEN-

date dicta.

Quartum vitium ad ea pertinet, quæ à te improprie, inculte, & inemendate dicta sunt, quorum ex plurimis hæc pauca in tredecim pagellis ego selegi.

Pag. 10. uer. 3.

Duos habuit filios, Aemyliam, quam, &c. Nouo exëplo dictus est filius de femina. Tutius erat dicere liberos, ut mares, ac feminas complectereris.

Pag. 10. uer. 8.

Triumphauit ex Macedonia, & rege Perseo. Triumphauit ex Macedonia recte, ex rege Perseo non recte, sed de rege fuit dicendum.

pag. 10. uer. 27.

Postquam ea, quæ illi tradere ipse potuit, à se arripuisse cognouit. Arripere litteras recte dicitur, ab aliquo arripere, non ita.

Pag. 10. uer. 31.

Ex longinquis regionibus accersendos curauit. Accersendos curauit, pro accersuit, temere; nam si curauit accersendos, a quor' ab alio? absurdum; nam Plutarchus inquit ipsum accersuisse; a se? quid in eptius erit, quàm si dicas, Paulus curauit accersendos a se magistros?

ibidem.

Studiose curauit, accersendos curauit. Due continentes periodi eodem uerbo finientes ostendunt paupertatem orationis.

pag. 11. uer. 8.

Sub ductu, auspicioque patris prima stipendia meruit. Merere stipendia sub aliquo, Latine dicitur; sub ductu, & sub auspicio alicuius, numita? Adde, quod dicitur. Ductu & auspicio alicuius rem geri, non sub ductu & sub auspicio.

pag. 11. uer. 29.

Vnde factum est, ut consul unus in maximo luctu, lamentisq; uersabatur. Hoc genus scribendi sæpe in hoc scripto usurpasti, scilicet, ut, cum in dicatio. Factum est, ut uersabatur, pro, uersaretur, contra regulas Grammaticorum.

pag. 12. uer. 10.

Quitum de tantum tantæ uictoriæ gaudio sentire cœpit. Gaudium, non gaudio est scribendum.

pag. 12. uer. 32.

Itaque quanquam litteræ preces Rege indigne continebant. Indigneas cur non scripsisti?

pag. 16. uer. 14.

Ut optimam, ac beatissimam funeris pompam preteream. Quid sit optima, ac beatissima pompa funeris, tu postea uideris.

pag. 16. uer. 5.

Xenophontis libros illos quidem. Latini utuntur, ille quidem, ita, ut ei subiungant. Verum, Tamen, Sed: quod apud te desideratur, ut Cic. Philosophi minime mali illi quidem, sed non satis acuti, item: Rumores satis illos quidem constantes, sed adhuc sine auctore.

pag. 16. uer. 6.

rudenter de manibus deponere non sol. bat, cur non ponis in tuo centone uerba Ciceronis, quæ sumpsi ex ep. prima ad Q: fratrem, ut se habet? sic, Quos quidem libros noster ille Africanus de manibus ponere non solebat.

pag. 16. uer. 17.

Ixori Papiria, quam non multo post repudiauera. Repudium est sponsæ, diuortium cum uxore, cum autem Papiria uxor fuerit, & ex ea liberos suscepit, propterea repudiari non poterat sed diuortium cum ea fieri poterat. Hoc te docebit Sigonius in primo de iure ciuium Romanorum: et posthac tu huc ex æquasse confirmare audebis.

pag. 17. uer. 1.

Quo cum beneuolentiæ charitate coniunctus erat. Coniunctus charitate, nouum:

pag. 17. uer. 3.

Tam amantissime cum eo uiuebat, ut eadem essent studia, & peregrinationes communes fuerint. Tam amanter fuit scribendum, & in secundo membro pro fuerint, essent, reponendum:

pag. 17. uer. 17.

Adæo incredibiliter repuerascere solebant, ut conchas legere confluenerint. solebant ita, ut consueuerint. Grammaticum olet potius, quam Historicum.

ibidem.

Ad Gaieram. Caietam scribendum, Gaetam pronuntiandum. ut Cneus, Caius, Cnossus, Procne. quæ C. littera scribuntur, G. pronuntiantur.

pag. 17. uer. 19.

Quod factitasse Scipio ferebatur, ut iis respirandi locus daretur, qui splendore uirtutum illius opprimi uidebantur. opprimi, & splendore, parum inter se respondent.

pag. 18. uer. 31.

Quod quidem maxime causa fuit, ut in eo doctissimo de amicitia libro Lælium de amicitia disputantem induxerit. Concedo Li-

brary

brarj culpa deesse uocem, Cicero, illud uero, in eo doctissimo libro, tuum est certe, cur enim addis, Eos quis sic loquitur?

pag. 19. uer. 6.

Quamuis eos praestantia uirtutis longè superaret. Superare uirtute, rectè: praestantia uirtutis, num ita?

pag. 19. uer. 9.

Ita se summittebat, ut nunquam inferioris ordinis amicis se se anteposuit. Anteposuerit, erat dicendum, ut supra, Versaretur. Hoc iam non uidetur ferendum, tam bonum Grammaticum nescire Grammaticam. Sed quia legisti apud Ciceronem de amicitia nunquam se ille Philo, nunquam Mummio anteposuit, Verba non mutasti. O acre iudicium.

pag. 19. uer. 10.

Virum omnino illi nequaquam parem. Cur non scribis ut Cicero? Sibi nequaquam parem.

pag. 19. uer. 33.

Scipio legatus in Hispaniam profectus praeter alia facinora, quae in eo bello praecleara edidit, illud ad Intercatiam maxime memorabile fuit. Non ne sentis turpe anacoluthon? neque enim extat, quid Scipio egerit: et hoc etiam (credo) in tuis regulis habes.

pag. 19. uer. 20.

Ostendendi ingenii. Gellius hac de re scribens inquit, ostentandi, quod est in hac re proprium, quod tu temere mutasti in ostendendi.

pag. 20. uer. 6.

Ab risu linguam exeres. Ab irrisu inquit Lilius, de Torquato loquens.

pag. 20. uer. 26.

Masiniſſa bellum gerebat cum Carthaginiensibus Asdrubale duce. Ut si quis dicat, Romani bellum gesserunt cum Poenis Scipione duce, intelligas Scipionem fuisse Romanorum ducem; sic cum dicas, Masiniſſa bellum gessit cum Poenis Asdrubale duce, intelliges Asdrubalem fuisse Masiniſſae ducem, at is tamen non Masiniſſae fuit, sed Poenorum, id uitii parit locutionis improprietas.

pag. 20. uer. 24.

Erat Masiniſſa Corneliae gentis iustis de causis amicissimus. Non erat amicus Corneliae gentis, sed praecipue Scipionum familiae, atque ita Cicero scripsit, et tu scribere debuisti.

pag. 21. uer. 29.

Scipio ubi in Africam applicuit, nihil ei potius fuit, quam ut Masiniſſam conueniret. Sic Cicero, unde sumpsisti? Cum in Africam uenisse, nihil mihi potius fuit quod tu dum mutare uoluisti, soloecismum commissisti. Scipio cum in Africam uenit, nihil ei potius fuit, cum dicere deberes. Nihil potius habuit, aut, Scipioni, cum in Africam uenit, nihil potius fuit, atque hic

dicendi gentibus tota hac uita referta est. ne librarii uitio hoc factum contendas in eo libro, quem tu iam ter edidisti eodem modo.

pag. 22. uer. 2.

Postquam autem apparatu regio accepti nullis in alijs, nisi de Africano sermonibus ad multam noctem uersati sunt. Verba sunt Scipionis apud Ciceronem sic loquentis. post autem regio apparatu accepti sermonem in multam noctem produximus, cum senex nihil nisi de Africano loqueretur. Tu uocem accepti, quæ ad unum Scipionem refertur de se loquentem, et se regio apparatu a Masinissa acceptum dicentem, temere contulisti ad Scipionem, et Masinissam. quasi uero Masinissa, et Scipio sint accepti regio apparatu, non unus Scipio a Masinissa. Vide ut ne integra quidam uerba transferre, et contonem tuam consuere sine uitio maximo potueris.

pag. 22. uer. 34.

Singulis diebus centum, & quadraginta clypei confecti. Centeni, et quadrageni fuit scribendum, quia præcessit singulis.

pag. 24. uer. 12.

Præfectus classis domicilium. Præfecti.

pag. 24. uer. 14.

Præco edicere. Magistratus est edicere, præconis pronuntiare. et sic fuit scribendum.

pag. 24. uer. 30.

Tribuni. Semper uteris uoce Tribuni pro. Tribuno militum, cum latine nemo ita fecerit. Itaque, Tribunum militum semper posthac scribes.

pag. 25. uer. 12.

Præfectus equitum Libycorum. Libyis semper fere Libycos uertis, quod nunquam Lilius, qui semper Afros dixit.

pag. 30. uer. 36.

Qui tamen supremam iam adesse horam cum sentiret, hæc uxori, filiisque mandasse memorie proditum est. Ecce aliud anacoluthon. Scipio cum sentiret proditum est mandasse. En qui Grammaticum se proficitur.

pag. 31. uer. 28.

Ad comprimendas insidias. comprimere insidias, nescio, an Latinum.

pag. 32. uer. 26.

Manilius cum Scipione bene sperare uideret, eo inclinauit ipsius sententia. Quis te hæc docuit? aut quis a te hæc discere uelit?

pag. 34.

Tribunus Tribunus, pro Tribuno plebis nunquam dixere Latini, ut tu, qui fere non aliter.

Quinta tua, quæque omnium foedissima culpa est, quod cum tu neque scribenda historia

*florie rationem teneas, neque Græcè, aut Latine intelligas, aut scribas, tamen
 usque adeo tibi places, atque tanta propterea arrogantia inflatus incedis, ut au-
 cupandæ docti hominis famæ causâ doctos homines inuadere, et ad pugnam
 prouocare non dubites, et modestiam eorum atque silentium pro uictoria rese-
 ras. Itaque quia eadem flagitia commississe te uideo in alienis scriptis reprehen-
 dendis, atque in tuis centonibus assuendis, dabo operam absoluedi operis causâ,
 ut ea etiam patefaciam. Quamobrem quæ tu in historia Scipionis ab eo scripta,
 quem tu in ordinem cogis, usque ad priorem consulatum culpasti, ego hoc mo-
 do reprehendo. Primum illud est à te intelligendum, quod prorsus ignorare
 uideris, aliud esse historiam uertere, aliud eandem ab alijs scriptam de integro
 scribere. Qui uerit, et rebus et uerbis iisdem se obstringit, qui scribit, maius
 et rerum, et uerborum sibi reseruat arbitrium. Quod ni ita esset, sequeretur,
 ut nemo discedere posset ab eo, qui primum scribendi occupasset locum, sed eas-
 dem omnino repetere et res, et uerba deberet. Quod cum ratio ip-
 sa refellit, tum exemplis etiam ueterum fieri non oportere, conuincitur, Liiij,
 Plutarchi, Dionis, et Appiani. Neque enim Liius cum historiam suam ab anti-
 quis acceperit, eos ita est secutus, ut sui sit aliquando dissimilis factus. Age enim,
 libro septimo cum Torquati pugnam cum Gallo narrauit, num à Quadrigario,
 uisi quæ uoluit, sumpsit et libro nono cum de Cn. Flauio ædili curuli factio locutus
 est, num uerba, quibus Piso eam rem complexus fuerat, prorsus eadem attulit,
 quanquam utrumque apertè sequutus minime omnium. Sed libertatem ita suam
 retinuit, ut solum quæ uisa sine, arripuerit. Quod intelliges, si Liiij uerba cum
 Quadrigarij, et Pisonis uerbis, quæ sunt à Gellio libro. vi. et x. recitata, cõ-
 tuleris. Neque uero idè cum multa, atque adeo plurima à Polybio sumpserit sua
 se libertate in eo spoliauit, sed suo arbitrio et res, et uerba reseruauit, ut ali-
 quando cum eo contendere uerborum numero uelle uideatur, aliquando ne le-
 gisse quidem eum, cum tamen sequatur, uelit uideri. Atque hoc idem etiam fecit
 Plutarchus cum aliquid à Liiio est mutuatus, et Dio, Appianus, et Plutarchus,
 cum res gestas Cæsaris prodiderunt. Quanquam enim aut copiosius narrari,
 aut certius, ornatusque explicari eas non potuisse, quàm à Cæsare, et ab Hirtio
 exposita fuissent, non putarunt; non tamen aut Cæsaris, aut Hirtij commenta-
 rios in suas historias transulerunt, quod te, ut uideo, auctore, facere debuissent;
 sed et actiones, et sententias, et uerba, quæ placuit, selegunt, et pro arbi-
 trio usurparunt. Quid? Sallustius non ne coniurationem Catilinæ omnium dili-
 gentissime scripsit? certe, num uero Appianus, aut Dio, eam sibi describendam
 existimarunt? nequaquã. Atqui multo magis ipsi Sallustium uertere debuerunt, quàm
 tu Appianum. Sallustius enim coniurationi interfuit, et scripsit ea, quæ uidit et
 ait summe industrie, atque prudentiæ fuit. Appianus, quæ narrauit, ab alijs aca-*

cepit, & res uetustate propè obsoletas retulit, neque cum Sallustio ullo modo ingenij, atque iudicij laude cōparandus fuit. His ergo rationibus noster ille motus, neq; Appianū religiose conuertit, neq; sibi cōuertendū putauit. Quod te nō animaduertisse, e quidem pro summo tuo crimine pono. Nā si semel, aut bis hāc ille sibi libertatem asciiuisset, iure tu quasi ipsius ignarus consilij eum reprehendere potuisses, qui quod professus esset, cumulate nō expleuisset, uerū cū in tanta historia perpetuo tenore hoc seruet, miror te non uidisse; aut si uidisti, illud in maledictis obiecisse, quod laudi fuit maximæ tribuendum. est enim imbecilli ingenij tanquam infantem aut nixu suo ingredi, aut nisi nutrice præeunte fieri non posse. & cum hoc maxime miror, tum illud multo magis, te, qui dum alios reprehendis, tacite fidelem aliquam Appiani translationem polliceris, id ipsum non præstitisse, quod ab alijs requiris. Tu enim in hac historia scribēda hoc suscipis, ut si quid à Latinis sumas, eadem uerba, nedum eandem sententiam, in tuum scriptum traducas; si à Græcis, uerba ipsamet interpretis eius Scriptoris adhibeas, & non historicum, sed fidum historici interpretem agas; neque historiam scribas, sed centonem historiæ consuas: neque tamen semper id præstas. Ille autem quando id proficitur, ut quæ à Latinis sumat, Liuiano more alijs ea uerbis immutet; quæ à Græcis, ea suis ita ornet, ut non interpret historici, sed historicus; neq; alienæ fabulæ actor, sed ipse suæ auctor esse uideatur; ne rationē quidē tibi reddere suæ conuersionis tenetur. Quæquæcunque ab eo religiose ex Appiano expressa non esse coarguis, hoc uno responso omnia infirmantur, at ne ipse quidem id suscepit, neque sibi suscipiendum putauit. Verum tamen singula loca consideremus.

Filios curauit instituendos. Tu instituisse, non instituendos curasse, reponis. In quo quantopere fallaris, satis est supra patefacta Plutarchi sententia demonstratum.

Partim in legitimis stipendijs conficiendis, quantum perspicere potest coniectura, traduxit. Reprehendis in historico coniecturam. sua uero & historicum coniecturas asserere debere, & te potissimum coniecturas sequutum ostendi.

P. Terentio tantus cum Scipione & Lælio usus intercessit, ut multi propterea fabulas eius non a Terentio, sed aut a Lælio, aut a Scipione scriptas esse crediderint. Non negas hoc esse uerum, nam Donatum hoc idem tradere affirmas, sed inquis Ciceronē aliam causam asserere, scilicet elegantiam sermonis, neque uides reprehendendi cupiditate occæcatus quā absurda loquaris, non enim eadem de re Cicero, & hic loquuntur. Cicero elegantiam Terentij confirmat ex eo, quod fabulæ eius a Scipione, et Lælio scriptæ sint creditæ. Hic familiaritatem Terentij cum Scipione prebat ex eo, quod

fabulas eius a Scipione scriptas fuisse homines arbitrati sint. quemadmodum ipsi semet fatetur in Adelphis. Nam quod isti dicunt maleuoli homines nobiles cum adiutare, assidue unam scribere. Si ergo assidue unam scribebant, erant ei familiares, ut recte ille concepit, inepte autem tu reprehendis.

Quarum rerum si unum, atque alterum maxime ad commemorationem insigne attulero. Non est inquis historici, unum, atque alterum insigne facinus exponere, sed omnia; atque hæc ratio loquendi est oratoria, non historica. Quid ais? in hoc quid est errati? irem enim reprehendere non potes, quia nihil omissum est; modum loquendi multo minus, quia uitam scribere, est, quasi laudes eius, de quo scribis, oratorie persequi. quod te duo elegantes scriptiores docebunt, qui his uitiis scatent, Cornelius Nepos, & Probus. Quid? non ne tu hoc idem genus loquendi usurpasti? Præter cetera, inquis, facinora, quæ in eo bello præclara edidit. quæ sunt ista? cur non exponis? cur oratorie loqueris, cum historicus sis? o plumbeum pugionem.

Quanta maxima uoce potuit prouocauit. Maximam uocem reprehendis, ut de qua nihil Appianus, & quæ, ut ais, hyperbolica sit. o erratum turpe. an uero si Barbarus ille ex medijs castris Romanis Romanum militem excire uolebat, non maxima uoce illi utendum erat? an si audacia prouocandi ferox erat, non etiam in uoce eandem ferociam prætulisse, est uerisimile? Addis. Error non paruus in eo, quod putat, Barbarum illum semel tantum Romanos prouocasse, cum sæpe id fecerit. Ridicule. quomodo enim hoc putare ille potuit. cum ita scriptum reliquerit? Ad pugnam sæpius prouocauit. si sæpius, quomodo semel? Nihil est autem omissum rem pro arbitrato scribenti; aliquid fortasse Appianum religiose uertenti, a qua re ille abhorruit.

Erat tum rex ille grauissimo Carthaginensium bello implicatus, iamque acies ex utraque parte ad præliandum erant instructæ, cum Scipio ad eum peruenit. Obijcis Scipionem uenisse ad Masinissam prædie, quam pugnatum est, non eisdie quo pugnatum est. Ego uero dico, Scipionem aut priore die, dum se parabat ad prælium Masinissa in Numidiae fines tantum uenisse, aut sub noctem ad Masinissæ regiam accessisse quidem, sed eum uisere, nisi postero die, post prælium factum non potuisse, præsertim cum sub lucem (ut inquit Appianus) ille in aciem exercitum eduxerit; aut sequenti die accessisse, cum acies iam inter se pugnatæ erant. quare eam pugnam ex edito loco spectasse, ut ut sit, rem narranti, non Appianum ad uerbum uertenti, satis fuit dicere Scipionem accessisse, cum Masinissa & Asdrubal pugnaturi erant. nam si ante pugnae apparatus uenisset profecto Masinissam, antequam in aciem descenderet, inuississet, neque id officij post incertum prælii euentum distulisset. Quod addis, Appianum scribere filios aliquot à Masinissa obuiam Scipioni missos, hunc uero

filium

filium scribere; eadem ratione defenditur. non enim hic de numero laborant, dum honoris habitus genus non pratermiserit. Et est uersimile, cum multi miterentur, unum quasi legationis principem natu maximum se gessisse. Quod uero scribis hunc aliquid addere; attende iterum, ut uerum hoc sit, et uersionem eius cum tua compara. Vide autem ne tu aliquid addideris, sic enim ad uerbum Appianus Scipio spectauit pugnam ex alto loco tanquam ex theatro. tu uero ita. Quare cognita Scipio in editiorem quendam ascendit locum, unde etiam pugna, quæ ab aurora usque ad noctem perducta est, non sine magna uoluptate spectauit. Num tibi uideris nihil ad Appiani sententiam adiecisse? Quod uero alii, ipsum equites omnia fuisse, qui cum filius obuiam missi sunt: respondeo, cogitationi illud lectoris tacite reliquisse, ut intelligeret filium non sine comitatu obuiam produisse. Neque enim Liuius Polybij uerba omnia expressit libro xxvi. cum scripsit. Asdrubal Gisonis usque ad oceanum, & Gades, Mago in Mediterranea maxime supra Castulonensem saltum, Asdrubal Amilcaris filius proximus Ibero circa Saguntum hibernauit. Nam Polybius ita habet. *ἡμετέριον μὲν ἐπὶ νῆσσι τοῦ διατρίβειν ἐν τῷ ἡρακλεῶν συνῆντο τοῖς κοινῶς προσάγοιτο μὲν τοῖς, ἡ δὲ ἑβὼν τὴν γέναντος περὶ τὸ τὰ ποταμὸν δὲ σόμα κατὰ τὴν λυσιτακνὴν τὸν δὲ ἐπὶ τὸν ἄσδρῶβα πολιορκεῖν τὴν ἰά πόλιν ἐν τοῖς καρπηταῖς* Non dubito, si æquus index esse uolueris, quin Liuii item multis hoc loco nominibus arguas.

Cum autem fama Scipionis aduentus totam esset iam ferme Africam peruagata. Reprehendis, quod nimis ornet Scipionem, cum dicat famam aduentus eius totam ferme esse Africam peruagatam, quod non est apud Appianum, qui inquit, Vbi Carthagenenses cognouerunt. Non intelligis autem hunc seruire laudi eius, de quo scribit: quod Appianus propositum non habuit, cum bellum Romanum, non uitam Scipionis scribendum suscepit. neque attendis Africam hic more Romano pro regione Carthagenensium accipi, non pro terra terrarum parte. Neque uero Carthagenenses, nisi singularem iustitiae eius habuissent opinionem, arbitrum pacis sumpsisset. neque enim in pace componenda fortitudo queritur, sed æquitas. Et si Massinissa pacem non petijt, tamē cū Scipionis arbitrio se permiserit, ipsum arbitrum suum Carthagenensibus ascensum se, negari non potest.

Appianus tamen elephantis, quorum caussa venerat, a rege acceptis, scribit retro se ad Lucillum euestigio contulisse. Reprehendis, quod his uerbis indicat, Scipionem negotium componendae pacis non suscepisse, et elephantos tantum a Massinissa accepisse, cum teste Valerio, etiam exercitum acceperit. Dico his uerbis significatum, Scipionem tempus in componendo

de pace, quæ conuenire non potuit, non contriuisse. Et ex Appiani sententia, elephantos tantum accepisse. Nam ut Valerius militum, sic Appianus elephantorum petitorum tantum est auctor.

Duobus post annis cum Man. Manilio consuli bellum Carthaginensibus inferenti Tribunus militum obtigisset. Hoc loco multa dicitur, sed aliud alio leuius. Prius inconstanter agit, inquit, qui in commentarijs Fastorum scribit, bellum Pœnis à Manilio, et Censorino consulibus illatum, in uita uero Scipionis à Manilio solo. Causa hæc est, in Fastis bellum scribebat uniuersum, in uita partem eam tantum belli, quæ suum attingit Scipionem Manilij, non Censorini Tribunum militum. Neque uero ita de Manilio locutus est, ut Censorinum excluderet. Addis, falsum esse, quod ille scribit, consules aggressos esse urbem, quod infirmis Pœni essent opibus. Inique facis, Audi Appianum loquentem. Consules Pœnos ut inermes despiciabant, donec armatos adorti retrocesserunt. An uero inermes qui sunt firmis opibus sunt? Reprehendis inde, quod dixerit, Manium Carthagine sepe frustra tentata, per deiciendam murorum partem irrumperere uoluisse. Iniuste hoc etiam, neque. n. apertius est quidquid aliud apud Appianum, cuius hæc uerba sunt Consules Pœnos ut inermes despiciabant, donec armatos adorti retrocesserunt. Vbi uero rursus aggressi sunt, & rursus nihil profecerunt, Pœnorum animi creuerant, ac rimentes Asdrubalem bina castra munierunt, & rursus ambo aggressi sunt, & pariter nihil profecerant. Manilius desperauit aggredi urbem, Censorinus partem muri deiecit. Ea uero est, de qua nunc agitur, Manilium Carthagine sepe frustra tentata, per muri partem deiciendam irrumperere uoluisse. Quid ad hoc respondebis? Negas inde bene esse ab eo scriptum, Cum Scipio Pœnos prærepto imperatoris consilio suos ita disposuisse audisset, ut alij armati Romanorum impetum sustinerent, alij inermes lapides, & ligna in eos ingredientibus ex loco superiore conicerent. Negas autem, quia consilium Pœnorum Scipio non præripuerit neque facta eorum audiuerit, cum uidere potuerit. Cui dico, audire potuisse à transfuga. Nam etsi uidere fortasse potuit primos armatos, non tamen uidere potuit secundos, et tertios, qui in adibus erant, cum ipse extra urbem esset. Et si etiam uidisset, non tamen eorum perscrutari consilium potuisset, nisi ab aliquo, ut dixi transfuga cognouisset, de quo Appianus non loquitur, ut aliquid tacite cogitationi nostræ, ut alias sepe, relinquat. Negas inde Manilium recte imperatorem dici, quod nulla re gesta id nominis adhuc meruisset. in quo adeo te expertem Latini sermonis ostendis, ut nescire uidearis imperatorem dici, quicumque habet imperium militare, id est qui rem suis auspicijs, ac suo ductu

gerit. Quod si probare uolueris, inceptus multo fecero, quam tu, qui id negasti. neque enim in pagina ulla apud Liuium est, in qua imperator non in hanc significacionem usurpatus reperitur. Quod autem ais. Ex superiore loco additum, quod non est apud Appianum, falsum nam idem est apud hunc ex superiore loco, atque apud Appianum ex edibus. Quod addis, mandata dari non dici de iis, qui praesentes agant, plane ridiculum est, sic enim futurum esset, ut imperatores in praelijs, quibus adsunt, nihil mandarent. at mandant imperatores Tribuni militum, ergo & Tribuni militum centurionibus mandabunt; nam mandantur facienda, qua occasio tulerit, & saepe pro re nata mandata ipsa mutantur. sic tu infra. Scipio equites cum facibus accensis educit, simulque iis praecipit, ut cum hostibus in nocte congregiantur. quid autem interest, praecipias ne, an mandes? Reprehendis inde illud. Qui laceissentibus instare hostibus cuperent. reprehendis autem eo nomine, quia Poeni non laceissent, sed se defendederent. Neque uides hoc ad Scipionem referri, qui si suos continere ab impetu nolabat, si hostes quiescissent, quid facturum censemus. si laceissent? Quere crimina alta si potes, neque enim his oppugnari scriptor historiae, sed fortasse aliqua ex parte religiosus interpres historici potest.

Post autem cum Poeni summa vi ex urbe silentio noctis egressi. Culpas, quod dixerit, summa vi ex urbe egressi, quod non sit apud Appianum. Quod ridiculum esse puto, nam si Appianus illud non dixit, at aliud simile dixit nempe *ἐν νύκτι* id est, inuasere. unde autem inuasere nisi ex urbe? Ad Appianum, inquit, *ἐν νύκτι* dicitur id est in nocte, non silentio noctis. nam silentium noctis partem certam noctis significat, qua omnia silent. Quid? an nero si Poeni ex urbe se in Romanos intulerunt, non eam maxime partem noctis delegisse putas, quae rei agendae opportunior fuit, nempe tum, cum omnia silent? Nam quod addis, Appianum narrare, quomodo Poeni castra Romanorum infesta reddiderint, hunc in genere loqui, id criminis in interpretationem caderet, in scriptorē certe non conuenit. Audi iterum Polybium, deinde Liuium. Polyb. ad uerbum. coemit etiam ad eis monoxyla nauigia omnia, & lintres, qui numero multierant, quod praeterique Rhodani accole mercaturas in mari faciant. Num haec omnia expressit Liuius? minime uero, nam generatim ita locutus est libro vi. Ingens coacta uis nauium est, lintriumque remere ad uicinalem usum paratarum. neque enim expressit, ut emptae sint, neque monoxyla nauium genera, neque causam multitudinis aperte expressit, neque usum mercaturae inter accolae Rhodani prodidit, at tu non hunc locum adumbrasti. quid autem hunc locum dicot integra uolumina proferre haeret, quae omnia hoc modo conscripta sunt.

Et cum de portus castrorum egressus iis, quae ab illo longius abea-

Tant. Reprehendis, quod dixerit *ē portis*, non autem *ē porta*, siquidem Appia-
nus scripserit Scipio *ē castris per auersam portam*, ubi nullus erat hostis, cū equi-
tibus egressus est. Hoc loco negare non poteris, te aut Græce nescire, aut nō Græ-
cos libros, sed translatos peruolutare. Nam interpres Appiani habet *Per auer-*
sam portam, at Appianus habet, *per alias portas*, hoc modo *οἱ οὐκ ἔχουσιν ἐν τῇ*
μεσυχῇ πύλῳ οὐκ ἐκ τῶν πύλων ἀλλὰ ἐκ τῶν πύλων ἀλλὰ ἐκ τῶν πύλων
πύλων. Ecce qui *πύλων ἀλλὰ ἐκ τῶν πύλων* auersam portam interpretatur, atq; impudē-
ter ita apud Appianum esse affirmat.

Præfectus hostium. Tu præfectus equitum hostium, non male. Veruntamen
qui præfectus dicitur, cum equitum præfectum fuisse non negatur.

Etenim cum Pœnorum milites. Hic reprehendis, quod dixerit, Scipio-
nē magno animo eduxisse turmas equitū, cū Appianus Magno animo nō habeat.
Et hoc palmare est, quasi uero qui Scipionis uitam scribat, ne uerbum quidem ad
laudem Scipionis addere, nisi quod est apud ueteres, debeat. cum id ad ueritatem
pertineat. obijci etiam, quod uocem. *δινοδῖν* non expresserit, quæ criminatio
ad onerandum interpretem ualeret, non ad scriptorem, præsertim uero cum sine
ea stet sententia, sic fecit Liuius libro 21. Tum Romanus sinu ex toga fa-
cto. Hic, inquit, uobis bellum, & pacem portamus. non enim ita Poly-
bius ad uerbum, Maximus autem natu (*ἐ* legatis) sinu iis, qui in
consilio aderant, ostenso, hic & bellum ipsis dixit, & pacem por-
tare. Tu certe reprehenderes. quod, Maximus natu præterierit, & facto sinu, nō
non ostenso dixerit, & tamen illa forsasse meliora sunt, quàm quæ Liuius attulit.
His de rebus adeo in ore ciuium omnium erat, ut M. Cato. De
M. Catonis post Nepherinam expeditionem reponendum esse contendis,
auctoritate epitomæ 59. Respondeo epitomas Liuianas parum ualere ad proban-
dum rerum ordinem, non quin sæpe seruatus sit, sed quia propter breuitatem
semper seruari non potuerit. neq; semper seruatus sit. Addis tuam suspicionem.
Etiā postquā legati Romam ex Africa redierant, reponendum fuisse. quod mi-
hi parum probatur. Neque enim uerysimile est, Catonem interrogatum esse de
Scipione, tum, cum legati reuersi ex Africa miranda de illo narrabant, sed ante
quàm uirtus Scipionis uulgo nota esset, ante legatorum aduentum, cum paucis
cognita esset.

Nam cum commisso transflumen prælio. Obijci quod commisso
prælio dixerit, cum Appianus tamen scriptum reliquerit, *cede magna urin-*
que facta. Respondeo *cede* prælio consequentem fuisse. maleq; Appianum
prælii commissionem præterisse. quod cum tu quoque intelligeres, scripse-
ris, pugna inita, quod ego puto idem esse, ac commisso prælio. Quod autem *Φε-
δος* castra uerit, nō locū munitū, recte fecit. nā omnia castra sunt loci muniti.

Interea Romanis, postquā in castra perueniunt, est. *Negū*, ex uerbo ἰσχυρῶς apud Appianū, idest, in statua redierunt, castra intelligi posse. Quod ego miror, cum castra sint statua.

Manilius se in eos acrius animaduersurum. Non ita Appianus, inquit, *factor*. Verum, ut dixi, non nunc uertimus Appianum.

Angēbarea cura plerōsq;. At habet Appianus ἀποκρίναι πύτων quod est dolentibus omnibus. Habet. Verum quid interest, inter Dolēbant omnes, et, Angebat ea cura plerosque, nisi quod hoc Latinum est elegantius?

Sed populum ei ira conciliarunt. Reprehendis, quod in commentario Fastorum dixerit, plebem, & Tribus, in uita uero populū & centurias. Primum dico quoties aliquis de eadem re diuerso modo scripsit, posterius semper emendationem esse prioris. Vtrunque tamen recte hoc loco dictum. consul enim, a cuncto populo centuriatis comitijs fiebat, in quē comitia populus conveniebat diuisus in Tribus. Vnde in epitoma Liutana scriptum est, a compluribus Tribubus Scipionem consulem dictum. Quare & populus & centurię, et Tribus, ad creatum consulem pertinent. Plebem autem cum dixit, populum intellexit; populus autem appellatur plebs ferē, cum opponitur senatui.

Ad 3, imprudenter ipsum esse locum, cum dixit, complures eum Tribus consulem dixisse, non autem scripsisse. Noli quæso tam acriter agere. Loquere de Appiano, et de uersione eius, in qua te feliciter uidemus esse; de ijs, quę ferunt ad morem Romanum, noli cum eo decertare, neque enim si hanc disputationem ingrediaris, commodē te explicueris. Quid enim ais, cur reprehendis, dicere consulem, an quia caret auctore? At eo Lilius, et maxime, quod nūc occurrit, libro 26. sæpius est usus, an quia tempore Scipionis non conueniē in mo uero nihil aliud magis, nam licebantur consulestum, cum uoce suffragia ferebantur: nempe ante legem Gabiniam tabellariam de magistratibus, non uocet, sed tabella creandis, quę post Scipionis consulatum est lata. Scribebantur autem, postquam tabella suffragia sunt inita lege Gabinia tabellaria. Ergo ita proprie locus est, ut si aliter dixisset, summo se flagitio fuerit obstricturus; quod tu si non sentis, quid est, quod temere hanc tibi doctrinam a seiscas?

Reliqui ex concubina. Ex concubinis tu scribendum fuisse censes, quia non ex eadem omnes erant nati concubina. Recte, si in animo haberet multitudinem concubinarum in innuere. Verum non hoc uoluit, sed filios eos tantum fuisse non legimo matrimonio natos.

Scipio cum tribus progressus comitibus locum omnem diligentius explorabat. Instas, quod cum tribus comitibus dixerit, cum Appianus unum cum fuisse scribat, o impudentiam singularem. Et miraberis deinde si ad has tuas nugos, ut ille responsum dedit nullum, audi Appianum, si modo intelligis.

legis. οὐ γὰρ ὡς πρὸ ἰών κατέβη πρὸς τοὺς ἑταίρους ἰδίῳς idest progressus cum tribus amicis explorabat. Quid ergo si non legisti Appianum, & hæc dicis, impudens es; si legisti, neq; quid sit οὐ γὰρ τοῖς ἑταίροις intellexisti plane Græcorum clementorum rudis.

Sed ut hoc fieri possit profecto uides. Aliud est responsum apud Appianū. Non nego, Verum si Historico licet longam orationem confingere, cur non etiam breue immutare responsum licebit?

Vt eundem illum ad se cum ipsius equitatu traduxerit. Duo millia inquis, & ducenti equites fuerunt, ergo non totus equitatus. At hic non cum toto equitatu, sed cum equitatu scripsit.

Præmia tantum ea ostenderet, quæ uirtus, & fides eius postea meruisset. Non expressa est, inquis, sententia Appiani, qui scribit ita. De gratia uero nihil de finiret, sed ei polliceretur, Romanos decentia facturos. Præclare. quid est autem illud, Decentia facturos, quàm præmia, quæ uirtutis; & fides eius meruisset, daturos? O stuporem hominis incredibilem.

Gratiam ut sibi Romanorum compararet, fide, & officio annixum. At Appianus dixit Præmia Romanorum arbitrio permittere. Concedo. Hic adumbrare uoluit, non exprimere, ac commodius responsum finxit, quàm Appianus intulit. Linius etiā libro xxxi. responsum aliter aliquāto rettulit; quàm Polybius. Nā Polybius ita scripsit ad uerbū Rex uero dubitās dixit, tribus de rebus se ei ueniam dare; primum, quod iuuenis esset, & rerum rudis; deinde, quod pulcherrimus esset æqualiū suorum. At Linius ita. ætas (inquit) & forma, & super omnia Romanorum nomen te ferociorem facit. Num tibi uidetur nihil affinxisse de suo, aliquid dempsisse de alieno?

Atque hæc quidē sunt in primis tredecim pagellis pauca ex plurimis animaduersa.

Plurima supersunt, quæ si perges nos lædere, ut facere instituisti, proferentur: ea uero nunc tibi condonabo tuarum uirium imbecillitatis habita ratione, ut si tam graui rerum senex opprimaris onere, ne desperes. Interea respondebis ad hæc, si uolueris ab omnibus tanti haberi, quanti ipsum te facis, quemq; te esse falsò autumas. Quamquam si mores correxeris, bene facies. eritq; satius mea quidē sententia silere, ne quod est in prouerbio, suo ipsius indicio Sorex pereat. Hoc igitur consilium pro mea in te, quam debeo, beneuolentia, capias te hortor.



HABES rationem candidissime lector, cur hæc aduersus Ben-
dinellum scripserim: Hic enim is est homo, qui cum sibiipsum nimirum
placeat, ceteros quidem omnes despicit; atque ita sibi arrogat,
ut præclarum quoddam se edidisse putet, si in toto sue ætatis
curriculo unum hunc centonem de Scipione Aemiliano fere septuagena-
rius assuerit; in quo tamen opusculo cum tot errores in tre-
decim tantum pagellis ab ipso commissos animaduertetis, uide quæso, tanquam ex
ungue Leonem, ut dicitur, quid de reliqua corporis parte possis conijcere. Summa
hæc est, eo solum excepto, quod ex alieno sumptum hic infarcit, cetera omnia sunt,
aut præter historiam fidem scripta, aut à Græcis parum intellecta, aut improprie di-
cta; ut ualde sit mirum, tot ab uno potuisse ineptias, nihil uero prorsus, quod pro-
betur, ab eodem scribi. Quanquam illud scias, eam uitam, quæ Mutinæ iam uiginti
annis impressa fuit, etsi innumerabilibus ipsa quoque auctoris uitio abundat erra-
tis, non tamen scaterere tam multis, eisquæ non leuibus, quàm hæc eadem nuper ab eo-
dem tota resecta, ut planè retrogradientis cancri morem secutus esse uideatur, nequæ
enim posteriores cogitationes esse solere sapientiores (quod Cic. dixit) semper de-
prehendimus. Id autem cuius etiam uiro mediocri iudicio satis liquidò constabit, si
nouissimam hanc, in qua tamen totas absumpsit *μυροβλάκας* cum illa ueteri conser-
re uoluerit. Quare habeat in ore semper illud Plauti Aetas ætæ. Verùm postquàm
cœpi, cumulatus reliqua suo loco depromam; ut et eius filius, qui per ætatem pote-
terit, saltem nunc ediscat, quanti doctrina patris, quem ut Historiæ parentem præ-
dicat, sit habenda: et ipse Bendinellus destinat iam tandem sic se intolerantius iac-
tare, et in alios cæco impetu incurrere, imperitosquæ adolescentes, quos lactandos
suscepit arte decipere. Tu uero interim candidissime Lector omnia boni consilio.
Vale. Kal. Augusti. M D L X X.

9 Plutarchus Aemylum appellauit, ut ad Pythagore αἰμυλίαν ἀ-
luderet. Hoc supra consueuimus, et non est in ueteri.

10 Duos habuit filios, non est in uet.

Triumphauit ex Rege perseo, non est in uet:

Studiose curauit, exercendos curauit, uerbum hoc repetitum non est in uet.

11 Sub ductu auspicioque patris meruit, non est in uet.

Tertius tum agebatur annus. Totum hoc quod ut superuacuum ex Li-
uio sumptū huc est allatum, non est in Vet.

1. Aemilio Macedoniam extra ordinem decreuerunt. contra Li-
uium hoc esse demonstratum fuit, non est in Vet.

Glorię cupidus mortuum suspicabatur. Hic omisit aetatem Scipionis,
quę patri suspicionem mouerat, ex a Plutarcho ex primitur, cum dicit πᾶσι
δὲ τῶν Ἀλεξάνδρου. In uet. autem non omnino male, sic quod & admo-
dum adolebens. item, omisit hic uerbum græcum θύοντι πρός, ne-
cessarium in uet. posuit, cum dixit. Quod & audax.

Factum est ut consul uersabatur. hic error non est in uet. inquit enim
Cohsul unus eum mortuum uidens in luctu, & lamentis uersa-
batur. Quare non est inconsequens.

12. Tantę uictorię gaudio sentire cepit. non est in Vet.

Perlens interim, Liuij pagina tota præter rem, ut ostendit: non est in uet.

Literę præces rege indignę continebant. non est in Vet.

15. Præceptore Merodoro usus est. Falsum est, neque tradit hoc Plinius, una-
de sumptum est, ut supra dixi. Non est in Vet.

A Sole exoriente &c. octo sunt hic errores supra à nobis detecti: non om-
nes sunt in Vet.

16. Prudenter deponere non solebat addidit nocem Prudenter, quę non
est in Cicerone, unde sumptum hoc est; non est in Vet.

Pater censor euita decelsit. falsum est ex Plutarcho, ut dixi: neque id
est in Vet.

Papyriam repudiatit non dicitur repudiare de ea, quę liberos habuerit,
ut probatum est. non est in Vet.

Cuius abstinentia. Superuacanea sunt hæc ex Cic. de officijs traducta. non
sunt in Vet.

P. Rutilium. Rupilium dici debet. non est in uet.

17. Vna esse donrus, rusticationesq; sue rini. cum dicere oporteat, esset,
recte in Vet.

Ad Caietam scribere debemus Caietam. non est in uet.

Opprimi splendore. non est in uet.

Et si plurimum tribuebatur ambobus. superflua ex Cic. de clar. orat.
non sunt in Vet.

18. Nihil difficilius esse dicebat &c. Præter rem huc ex Cic. de amicitia in-
culcata non sunt in Vet.

19. Præstantia uirtutis superaret. non est in Vet.

Ut anteposuit. Pro anteposuerit, non est in Vet.

- Ingenii ostendendi. Rectius, ostentandi, ut est in. Vet. & in Gellio, unde in ptum est.
- Legatus Luculli præter cetera, illud memorabile fuit. Hic est Anacolon turpe, ut demonstravi; non est in Vet. quæ sic habet. Legatus Luculli præter cetera Barbarum ad Intercatiam interfecit.
- 20 Neminem perduci videret. Non expressit Græcum, scilicet. Nemine in pugnam prodeunte, non est in Vet.
- Linguam exereus. Ex historia Torquati sumptum, ut dixi, non est in Vet.
- Media militaris statura. Dicitur a Liuius de Torquato, non est in Vet.
- 21 Masinissa bellum gerebat cum Carthaginensibus Asdrubale duce. Obscurum, melius in Vet. Bellum aduersus Carthaginenses gerebat, quorum Imperator erat Asdrubal.
- 22 Gratulabundus. Non est in Appiano; neque in Vet. postum est. Scipionem iterum conspiceret. Vox Iterum non est in Cicerone, & in Vet. postea non est.
- 23 In quibus quidem libris. Sunt hæc omnia in historia superuacanea, neque sunt in Vet.
- 24 Parebat Carthago. Situm Carthaginis, uitam Scipionis scribenti non conuenire demonstratum est, neque ille est in Vet.
- Byrsa tumulus. Arx, potius, non est in Vet.
- Triplici muro. Descriptio hæc Byrsæ plurimis abundat erratis, ut supra patuit. His omnibus caret Vetustas. Cuius licet intueri.
- 25 Domicilium vertit οἰκία, non est in Vet. portuum Τὸ πῶλον, non est in Vet.
- Præco edicere. Pronuntiare scribendum erat, ut dixi, non est in Vet.
- 26 Salutaria nocte fuisse. Hoc errore supra demonstrato caret Vetustas.
- 27 Ex insidiis aggrediebatur. Vox Insidiis non est in Græco, neque est in Vet.
- Duas equitum turmas. Quo modo locus hic intelligendus esset, dixi; atque unde error emanarit, ostendi; nempe ex duabus illis uocibus δύο, δὴ δύο; sed uox Duas, non est in Vet.
- Hostibus irruentibus. Immo irruturorum scilicet Romanorum, ut patuit non est in Vet.
- Distabat hæc urbs. Nepheris descriptio è Strabone sumpta hic non est necessaria, neque; Appianus ipse describit, neque est in Vet.
- 28 Hac quidem graminea. Ad uerbum hæc è Gellio sumpta, sed præter rē; & non sunt in Vet.
- 30 Prætorium. potius consilium, id est, qui in consilio ad sunt, nam Græce συνέσιοντες

Scipio ut dictū est. non est in Vet.

Scipio supremā horā esse cum sentiret, proditū est &c. est uitium
Anacoluthon sic in Vet. Scipio supremā horam sentiens proditū
est &c. Ecce :xx. annis congruē loqui nondum didicit & iactat uestigia Græ
cæ, & Latine linguae non obscura Luca & Placentia impressa se reliquisse

31 Genuisse natu maximo. falsum est; rectius in Vet. Micipse natu maiori.

Ad comprimendas insidias. non est in Vet.

Ratus illum loqui uelle. rectius hoc (quāquā non recte) quod est in Vet. il
lum secum loqui uelle.

32 Reuerso iterum. Pleonasmus. rectius in Vet. Reuerso deinde Manilio, &c.

Manilius cum uideret, eo inclinauit sententia. Incongrua locutio,
non sic in Vet. Manilius maximē timebat, tandē eo inclinauit sententia, &c.

33 Scipionem redeuntem cum clamoribus persecutus est. omisit,
quod est in Græco αὐτὸν ἐπὶ τῇ εὐφροσύνῃ non sic in Vet. inquit enim, ueluti tria
umphantem.

Id, quod Romam ad suos scripserunt. deest uox, quæ reperitur in Græ
co πολλοὶ quam uetus habet, sic, Quod plurimi Romam ad suos scripsere.

Erat hæc urbs. (de Hippone loquitur) inter Vticam. Hæc omnia (ut supra
demonstratum est) ad rem nō pertinent. In Vet. uero non inepte omissa sunt.

34 Ea uero iubente collega. Hæc Periodus est tota male ē Græco uersa, ut su
pra patuit: sed non ponitur in Veteri.

His igitur patet esse uerum, quod uulgari prouerbio fertur Bis pueri Senes.
neque credendum, quod extat apud Euripidem. αἱ δὲ νῦν γὰρ πῶς φερον
τῶνδε σοφῶταται.

Verba Græca Polybij. quæ desiderantur pag. 34. & pag. 35. & pag. 37. sunt omiſſa, quia characteres non erant apud Impreſſores, & qui aderant, parum boni. Quæ deprauatæ ſunt impreſſa, tu humaniſſime Lector corrigito ſic.

Pag. 3. precipue, præcipue. atq; obtreſtatione, atq; meæ obtreſtatione. de-
liniare, delineare. 4. redegiſſe, redegiſſe. 5. cogitatione, cognitione. 6. Ma-
cedonia, Macedonica. Romæ, Roma. 7. pertineret, pertineat. 8. aplicuit,
applicuit. Iterum, Iterum. 10. Nonnoulli. Nonnulli. 17. ἐκασον, πῆ-
χον. 19. diſtabat, diſtabant. ἐνδοξ. 19. ῥ. 22. coſilio, conſilio. 23. ſci-
pionem, Scipionem. uimin, uim in. de eſſe, deeſſe. 24. ἐκλόν. erupturum, ere-
pturum. deligiſſe, delegiſſe. 25. ſe legi, ſelegi. compleſtereris. 26. Papyria,
Papyria. 31. acceſſiſſe cum. 33. ſunt, ſunt,. 34. monoxyla, monoxyla.
35. cum equitibus, cum equitibus. non non oſtenſo, non oſtenſo. 36. immo, im-
mo. temeret, temere. tu, tu. 37. ὁ σκίπια pos it, poſſit. 38. ἡ. eſſe, eſſet.
inculcata. ſuperaret. 40. Quomodo, Quomodo., 3 πολλοί, πολλοί. 33.
ecce. Ecce.


E I N I S.

Non ſine Licentia Superiorum.

2 1 1 1 1

4





148.
D.
47.

